

Ebigyendererwa Mukaaga Bya Gaburieli Kutaayaayira Danieli

Jeffersonville, Indiana, USA

Okwamushanju 30, 1961

1 Kwonka ntangaire munonga aha . . . minyeeto yaitu emitio akasheeshe aka, abato, nimumanya, abato abo "fefe" na "fifi," abato aba, aba . . . nimumanya, ab'omuri za ikumi na mukaaga. Kandi nibaija omu kanisa, nimumanya, nka . . . Abaishiki bato, ab'emyaka nk'egyo, nibenda kureebeka kurungi, nimumanya. Bo, nimumanya, eishokye ryona rizingazingire, aha mutwe gwabo; nkabeetegyereza, ku naabaire nimbuurira, ryaguma nirishuumma nirigaruka ahansi, nirishuumma ahansi. Kandi, bwanyima y'akaanya kakye, bakaba nibarigarura enyima nibariiha aha buso bwabo, okwezinga kw'eishokye kwona kutereire.

2 Omuhara muto w'ow'eishe-emwekazi Downing, kandi-kandi mwetegyereize. Kandi omwana muto-muto-muto . . . Muto ow'ow'eishe-emwe Collins . . . Eiziina rye ni riiha? Omuto . . . [Omuntu yaagira ati, "Betty." -Omur.] Betty, Betty omuto. Mbaire nk'owaashekaho kakye, nyowe nyenka. Kwonka ndeebire oburungi bwona, nimumanya, ryona rikomire kurungi, kandi bwanyima rika . . .

Mbwenu, emitima yaanyu eheebwe omugisha, barungi 'mwe, muri barungi, ahariinye, omuringo gwona. Ekyo kihikire. Oburungi, n'o-n'omwoyo murungi okwija kandi okashutama omu ruteerane batyo, n'okuhurikiza Engiri. Ekyo nikyo kirikuhindura omuhara kuba murungi. Kandi nintekateeka ngu omwojo muzima weena, ohikire kutaasya, naateekateeka ekintu nikyo kimwe. [Ow'eishe-emwe Neville yaagira ati; "Amiina." -Omur.] Yebare, sebo. Ekyo ni kirungi. Haine owaikirizana naanye. Ngu, ekyo kihikire. Ni kirungi. Niinyikiriza ngu ago n'Amazima.

3 Hati ekyo t'eky'okutangaaza? Naashuururuira kimwe omu kitabo kya Danieli 9 ku naashuurura Baiburi yangye. Hati, ntuura ningambira omuntu weena ngu, bataihamu ekooti zaabo, abaine ebifumuka omu saati zaabo, n'ahabw'ekyo nyine amatsiko ngu eyangye tekiine. Kwonka-kwonka nkareebaho obwire obu naabaire ntarikubaasa kugihamu, eine ekifumuka omu saati, buzima kwo. Kandi ninteebereza ngu eg i teine kiina.

Hati, oo, ahabwangye, nitu . . . kandi niinyikiriza ahabw'abateeraine, nitusiima ahabw'Okubaho kw'Omwoyo Orikwera akasheeshe aka.

Kandi nitusiima okuteerana n'okubaho kwa buri omwe n'ondijjo. "Ka ni kirungi, ka kiboneire, ka nikishemeza, ahabw'ab'eishe-emwe kutuura hamwe nibakwatanisa bari omu bumwe. Ni nk'amajuta g'obuguzi bwingi agaitururukiire aha kireju kya Arooni, gakahika aha mukugiro gw'esikaati ye."

4 Naagiire kuriya kurya eriizooba, kuriya ahari Blue Boar, kandi n'oha ou nshangireyo kureka Ow'eishe-emwe Bill hanu, n'ow'eishe-emwekazi Dauch oshutami aho, ni-nibarya enyama y'enkoko esiikire erikureebeka kurungi munonga, ei ndaboine, kandi baine obwire burungi, etuutu neesheesheeka, nimumanya. Ngiire omu kishengye ky'ahaiguru kandi naabugana ekicweka kihango ky'ekanisa ahaiguru okwo, kandi babaire nibenda kushashurira kyakiro yangye. Hati, ekyo buzima kibaire kiboneire, ninkisiima.

Ku mpikire omuka, ngugu hanu Bill yaija n'ebokisi y'enyaanya ez'omuntu andeeteire, okurugira kimwe omu ihanga eryo rirungi, eririkufuka rya Georgia eifo okwo, aharikufuka munonga eifo okwo, nikwo barikuungambira, omu bwire nk'obu.

5 Bwanyima, naabugana omutsigazi muto aheeru. Mbaire ninduga omu kwehanuuza omu mubonano, eihangwe eri, kandi ninduga eifo kurabira aha kanisa nk'eshaaha emwe n'ekicweka ezaahwaho, kandi n'omuto . . . nk'omutsigazi muto, aheeru, yaagira ati . . . naagira nti, "Nihootsya."

Yaagira ati, "Nisho buzima!" Naamanya ngu abaire naaruga Georgia, n'ahabw'ekyo yaagira ati, "Buzima nihootsya eifo omuri Georgia!"

Mbwenu, nitugyezaho kuhunga omwanya ogurikwotsya munonga, tikwo kiri? [Abateeraine baagira bat, "Amiina." -Omur.] Ekyo nikyo kitureetsire hanu.

6 Mwebare munonga, banywani, ahabw'oburungi bwanyu. Nkaakozire ki ntatabaine? Niki-niki eki naakukozire ntatabaine? Kuri ntaine muntu orikunkunda, hatariho muntu orikubaasa kuhurira Obutumwa, Obutumwa bwangye bwona tibwakugizire karungi na kamwe. Tindikubaasa kububuurira ebikondo by'esimu n'emiti. Tibikaabwetegyereize. N'ahabw'ekyo nibateekwa kuba abantu nkaimwe mwena, abarikwija kandi bakabuhurira. Kandi ku murikwija reero mukashutama omu mwanya ogurikwotsya nk'ogu, kandi n'omu . . . Omukazi wangye agambire ngu abaire ari nk'ori haihi kutsya enyima kuri, akasheeshe aka. Mbwenu kureeba abantu, kandi obumwe n'obumwe abantu abarwaire, bashutami omu nteerane nka batyo, Ruhanga abahe e-eka nungi, eboneire omu Kitiinisa, nikwo kushaba kwangye. Kandi nyine amatsiko n'obwesigye ngu Naija kukikora.

7 Hati, ka tureebe. Ekooti yangye, omuntu yaagita enyima hanu. Kandi mbaasize kushoma kakye omwabazyo ogu. Ni bangahi abarikushemezibwa ebicweka by'okubanza by'eki? [Abateeraine baagira bat, "Amiina." -Omur.] Oo, kuri hatarikwotsya munonga, tukaagumiriizemu kimwe nitugyenda, kurabira kimwe omu saabiiti, n'E-Ekitabo ky'Okushuururuwa. Nnikikunda. Nkituuramu. Kandi mushabe, nimmanyisa, munshabire, saabiiti egi, ahabw'okuba Sande erikukurataho ni . . . Mukama yaasiima, nintekwa kuzibugana, saabiiti ezo kuzita omu mwanya gwazo. Kandi ekyo nikyo kintu eki ntarikumanyaho kintu kyona. N'ahabw'ekyo ninza kwasiga Mukama

kugira ngu Ampe eky'okugarukamu.

Kandi nsho-nshomire ebyahandiikirwe abantu baingi abatari bamwe aba-abaakigambireho, abakihandiikireho. Nshomire obuhandiiko ahansi y'orupapura oburikushoboorora ekyaherize kuhandiikwaho hanu, ahari Dokita Scofield, omwegi rugambwa, kwonka buzima tindaikirizaine nawe, omu buhandiiko bwe bwingi ahansi y'orupapura oburikushoboorora ekyaherize kuhandiikwaho, 'habw'okuba tindikubaasa kukireeba. Ahu . . . Kishemereire-kishemereire kukora ekishushani ekihikire.

8 Hati, ku waakubaire nookora ekishushani omu muzaano gw'okuyunga ebiceweka ebitarikushushana kukora ekishushani ekihweire, kandi ekintu ky'okubanza noomanya, noogira oti, "Oo, eki nikiza aharuguru hanu. Ngaaha, nimpamya eki nikiza aharuguru hanu." Mbwenu, nooteekwa kureeba hanu aha ky'okureeberaho kyawe, kureeba eki orikukora. Reero waaba-waaba otakakikozire, nooza kutabangura ekintu kyawe kyona.

Hati ku waakubaire nootwara . . . waakubaire oine ekishushani ky'ekyaro kirungi, haza ente neerya obunyaatsi ahaiguru y'omuti? Hati, ekyo tikyakubaire kihikire (kikaabaire kihikire?), 'habw'okuba terya bunyaatsi ahaiguru y'omuti. N'ahabw'ekyo, ogwo nigwo muringo ogu kirimu ku, iwe, Omwoyo Orirkwera ku yaakuba atataire Ekyahandiikirwe ekyo omu mwanya gwakyo. N'ahabw'ekyo, oine ekishushani kyona, ky'obucunguzi. Ekyo nikyo turikwenda, Amazima. Kandi kuhitsya obu turaamanye Amazima ago, nitwija kukireka nk'oku kiri. Kandi reero, Ruhanga ku arikutuha Amazima, mbwenu, obwo niinyija kukigambaho.

9 Niumanya ki? Ninteebereza Ow'eishe-emwe Roy Slaughter na-na bamwe hanu ahari ba k'aha ka ira, abaatandikire enyima okwo obwire buraingwa obuhweire . . . Hakaba hariho nka, ninteebereza, emyaka eshatu ey'okubanza nari ena y'obuheereza bwangye, hanu honyini omuri tabirinaakuru, nkaba ntarikubaasa nangwa n'okubuurira aha ishomo rya gehena, ahabw'okuba nka-nkaba ntarikubaasa kumanya yaaba gwabaire guri omwanya ogurikwaka omuriro, yaaba kyabaire kiri ekituuro. Kandi obwire bwona Ekigambo ku kyabaire kigamba, ekituuro, nkaba nkishoboorora, ngira nti, "Ensi y'abafiire." Ensi y'abafiire nikyo "kituuro." Obwire bwona ku Kyabaire kigamba ahari gehena, nti "Ensi y'abafiire, ekituuro." Kandi nkakireka nk'oku kiri okuhitsya obu naamanyire eki ndikugambaho, reero naabona kubuurira ahari gehena; n'ahabw'ekyo buzima ku naakimanyire, ekishushani kyona, kandi naayetegyereza eki kyabaire nikimanyisa. Ahabw'okuba, niinyikiriza ngu omuheereza naajunaanwa Ruhanga eki araagambire abashomi, ahabw'okuba nibaza kukiramatiiraho. N'ahabw'ekyo, kyaba kiri kityo, ku naakutuma baahamira aha mwanya ogugwire, reero obwire bukihika obu okuramatira okwo kuraabe kutakikora? Mwareeba?

Kandi omu kworekwa okwo oku Mukama yampaire, obwire obwahingwire, obu zaamirioni ezo . . . obu Ogwo owaabaire naagamba naanye, yaagizire ati, "Noija kucwerwa orurbanja, kubanza, kurugiirira aha Ngiri ei orikubuurira."

Nkagira nti, "Nimbuurira ekintu nikyo kimwe nk'eki Paulo yaabuuriire, kandi n'abandi boona."

Kandi amaraka ga zaamirioni ezo zonna gaateera akaari gati, "Tuhuumuriire ahari ekyo." Nikwo kyabaire kityo. Mwareeba? Ni kirungi.

10 N'ahabw'ekyo niinyenda kugumizamu ekiro eki, hati, n'ahabw'ekyo titurikuza kutwara omwanya muraingwa munonga. Kandi muteebwa hati . . . Hati, akasheeshe aka . . . nyine ebi mpandiikire bikye hanu. Akasheeshe aka ngambire ahari Danieli ari omu bukwatwa, Gaburieli naija ah'ari kumuhabura eby'omumaisho. Ebyo nibyo tutungire akasheeshe aka, okuhaburwa aha by'omumaisho.

Hati, ekiro eki, nitugamba aha Bigyendererwa Mukaaga Bya Gaburieli Kutaayaayira Danieli. Sande erikukurataho, Mukama yaasiima, okuta saabiiti makumi mushanju omu mwanya gwazo, ahi zishemereire, omu bwire bwazo. Kandi twemereire nkahi? Hati, ku twakubaasa kubona ekyo kyonka kandi tukakihamy, buzima, obwo nituza kumanya obwire obu tutwiremu. Hati, titurikuza kumanya obwire obu Araiziremu; tihaine oribumanya. Yesu tarikubumanya, We wenka. Akagamba ngu Tarikubumanya. Akagira ngu kureka Ishe, wenka, niwe orikubumanya. Nangwa na Baamaraike tibarikubumanya. Tihaine n'omwe omuriitwe orikumanya obu Ariije, kwonka nitubaasa kumanya e-eshaaha ei . . . obwire obu tutwiremu, kumanya oku turi haihi.

11 Hati, ahabw'okugarukamu kakye, ahabw'okuba aboojo nibakwata entambi z'amaraka g'eki . . . Ebyoma nibikora omurimo enyima omu kishengye. Kandi entambi z'amaraka, hatariho kubangaanisa, nizooherezibwa aheeru, hoonahoona.

Hati, eishomo ry'akasheeshe aka, twaheza kugaruka enyima aha shuura ya 4 n'eya 5, reero twemerereire aha . . . okutandika n'eshuura ya 9 y'ekitabo kya Danieli. Kandi hati, ekiro eki, nitugumizamu n'eshuura ya 9. Tutakagihikireho, ka twinikye emitwe yaitu ahabw'akaanya kakye reero tugambe n'Omuhandiiki w'Ekigambo.

12 Ruhanga waitu omunyambabazi, nituhamya ngu Noomanya ebigyendererwa ky'emitima yaitu. Noomanya ahabw'enki turi aha. Kandi noomanya ngu titwizire ekiro eki ahabw'okuba tukiteekateekire ngu n'omwanya murungi gw'okwijamu, kuhuumuraho kakye omu ihangwe. Taata, tindikwikiriza ngu hariho omuntu n'omwe hanu oine ebigyendererwa ekyo. Niinyikiriza ngu turi aha ekiro eki ahabw'okuba nituhamiza kimwe, n'obwesigwa, kandi nitwenda kumanya OKU NIKWO MUKAMA ARIKUGIRA.

Nitukukunda, Mukama, kandi nitukukunda Ekigambo kyawe. Kandi omwanya ogu ogu Otuhaire, orushuuru oruri ahaiguru y'emitwe yaitu, kandi n'ebiyombeko ebi ebikozirwe simenti, Nitukusiima ababw'omwanya. Ahakuba, nitwikiriza ngu hariyo Eka aharikweshumba eiguru, ei turikuza okwo. Kandi nituteekateeka ahari baatatenkuriitwe abataratungire nangwa n'omugisha ogu, kandi nikituma twinika emitima yaitu nitushwara, Mukama, nangwa n'okwetomboita.

Hati, Taata, nitushaba ngu Noija kutushuuruurira, ekiro eki, Ebyahandiikirwe. Ija, orabe, aha rubaju rwa buri omwe omuriitwe twaba nitugumizamu omu rugyendo oru ekiro eki. Gamba naitwe nk'oku Waakozire abo abarikuza Emau, nibaruga Yerusaalemu. Ngu, saaviisi ku eraahwe, ekiro eki, tubaase kuza omu maka gaitu agatari gamwe kandi tugire tuti, "Emitima yaitu tiyaashashaanuka obu yaaba Naagamba naitwe omu muhanda Naatushuuruurira Ekigambo Kye!"

Ha omugisha ebyaza kushomwa. Ha omugisha amaani makye gangye, Mukama. Yashamya akanwa kangye ahari ekyo ekiri amazima, kandi okabumbe ahari ekyo ekigwire. Kandi Yetungire ekitiinisa, kandi n'ekitiinisa omu bantu Baawe, kugira ngu babaase kureeba obwire obu tutwirema kandi n'Okwija okuri haihi kwa Mukama Yesu. Ahakuba, nitukishaba omu-omu Iziina Rye, Eiziina rya Yesu Kristo. Amiina.

13 Hati, kugaruka enyima omu Byahandiikirwe byaitu ababw'akaanya kakye, nitushanga ngu Danieli akaba ari omu bukwatwa kumara emyaka mingi makumi mukaaga na munaana. Kiteekateekyeho! Hati, iwe, n'orupapura rwawe n'ekaraamu, abatakikwatsire akasheeshe aka, nimubaasa kukikwata ekiro eki. Kuruga 606 A.D. kuhitsya 538. Kwata 606 oiheho 538, nootunga emyaka makumi mukaaga na munaana ei Danieli yaabaire ari . . . enkwatwa; hatariho kanisa y'okuzamu, hatariho kuhurira ebirikubuirwa, hatariho kintu kyona. Kwonka akaba aine ebitabo bimwe, emizingo y'ebitabo, ei nabi owaamubandize yaaragwire, kandi akaba ari-akaba ari Yeremia.

14 Hati, ku yaabaire naayega Ebyahandiikirwe, yaareeba obwire nibuhwayo, ngu obwire bw'esaabiiti makumi mushanju . . . Kandi Danieli akaikiiriza kimwe buri kigambo eki Yeremia nabi yaagambire. Kandi ningamba ahari eki, aha kibiina kyangye ekiro eki: Twikirize baanabi baitu? [Abateeraine bat, "Amiina." -Omur.] Eego, sebo. Ahabw'okuba, Ekigambo kya Mukama kikaba kiizira baanabi. Baine OKU NIKWO MUKAMA ARIKUGIRA. Kandi nabi ow'amazima tarikhindura aha-aha kigambo kya baanabi abandi. Tibarikwija kutuma kyagamba ekintu eki Kitashemereire kugamba. Nibaija kugamba ekyo eki baanabi ab'amazima baagambire. Ekyo nikibahindura nabi. Reero ku barikubona ekyo, kandi obwo bagamba ekirikwija kubaho, barikumanya eki ngu, baine obwoba omu mitima yaabo, ngu batagamba ekintu ekigwire kandi kikahabis omuntu. Titurikwenda kukora ekyo na kakye. Nitwenda kuhamiza kimwe ngu twine Ekigambo kya Mukama tutakagambire OKU NIKWO MUKAMA ARIKUGIRA. Mwareeba? Nibuteekwa kuba Obutumwa obuhikire, kurugira kimwe aha Kitebe kya Ruhanga, nari titushemreire kubugamba na kakye.

15 Hati, ku yaabaire naashoma Ebyahandiikirwe, akareeba ngu emyaka makumi mushanju ekaba neehwayo. N'ahabw'ekyo, we ahabw'okutuuroyo emyaka makumi mukaaga na munaana, hatsigaire emyaka ebiri omu maisho okuhitsya Ruhanga obu arigarura abantu Be omu nsi yaabo y'obutuura.

Ku yaabaire ari omu kushaba, nitushanga ngu hakaba hariho Maraika ow'amaani owaarugire omu Iguru. Hariho omuntu owaakubaasa kugamba eziina Rye? [Abateeraine bat, "Gaburieli." -Omur.] Gaburieli. Kandi Niwe Maraika w'ekanisa y'Abuyudaaya. Ni bangahi abarikumanya ekyo? Hoonahoona, ni Gaburieli. Gaburieli niwe ntumwa aha kanisa, ekanisa y'Abayudaaya; akaizira Mariamu; Akaizira Zekaria. Burijo, ni Gaburieli. Kandi n'Omwe ahari Baamaraika ab'amaani b'omu Iguru. Kandi Tarareeteire Ow'eishe-emwe waitu Danieli okuramutsya kutyo okw'okutangaaza okuruga ahari Ruhanga! "Oo, Danieli, omushaija orikukundwa munonga!"

16 Ekyo tikirikukora gye, kuteekateeka ngu Ruhanga akakukunda? Kuri naabaire ntarakunzirwe munonga, nkaayenzire kumanya ngu ndi nk'okunzirwe kakye ahaiguru Okwo, tokaakikunzire? [Abateeraine bat, "Amiina." -Omur.] Buzima. Nk'omuringo gwo . . . Nanteekateekaho, rimwe omu kaanya, kikaabaasa kwenda kuunteeza akaari, okuteekateeka ngu nangwa nantaho omutima. Kandi twine obuhame ngu Naatufaho, ahabw'okuba, "Obu twabaire tukiri abasiisi, Kristo akatufeera," ow'eishe-emwe. Kandi, hati, abaabaire bari hare na Ruhanga, hati atwirize haihi na Ruhanga kandi atuhaire omukwato gw'okujunwa kwaitu, niwe, Omwoyo Orikwera. Kandi n'okwikiriza omunda omwo okurikutwimutsya ahaiguru y'ebintu by'ensi, kandi nitubigyendera ahaiguru. Ekyo n'eky'ekitiinisa. Tikyo? ["Amiina."] Ni kirungi.

17 Ku yaabaire naakishaba, Gaburieli yaija kandi yaamugambira ngu hakaba hatatsigaire emyaka ebiri yonka batagarukire omu nsi yaabo y'obutuura, kureka akamugambira omuheru gwona gw'eihanga ryona. Kiteekateekyeho! Omuheru gwona, buri rugyendo rwona orw'ensi, Gaburieli akarushoboororera Danieli. Akagira ngu Akooherezibwa kugambira Danieli ekintu kikuru eki. Nabi ogwo ka nikiteekwa kuba kyamukwatsireho! Kandi akamugambira ngu hakaba hariho saabiiti makumi mushanju ezitairweho ahabw'abantu, okuhitsya aha muheru; obwo n'obwire bw'aha muheru, n'ahabw'ekyo byona bihweire, emperu. Akagira ati, "Hariho saabiiti makumi mushanju."

Bamwe nibagihindura kuba emyezi, abamwe ebiro, abandi . . . Haa! Buzima ku ziraabe ziri saabiiti, hariho nk'emyaka ebiri na kimwe kya kana ky'okwezi, nari omwaka gumwe na kimwe kya kana ky'omwaka. Kandi, reeba, no . . . Aho niho tushemereire kusherura, kuba ab'amazima.

18 “Saabiiti makumi mushanju ziteirweho ahabw'abantu baawe.” Ahabwa nshonga ki? Ahabw'enki? N'abantu b'oha abu zaateereirweho? Abantu ba Danieli, Abayudaaya. Kandi zikateebwaho ahabw'oha? Ti ahabwa Danieli wenka kureka n'ahabw'orurembo rwa Danieli orikwera; mwareeba, orurembo rwa Danieli orikwera. Hati, kibiina 'mwe, omu rurembo rwa Danieli orurikwera rukaba ruri ruuha? [Abateeraine batí, “Yerusaalemu.” -Omur.] Yerusaalemu.

Kandi hati twaza kukwata, obundi tukihikyeho ekiro eki: Yerusaalemu ekaba eri nkahi? Yerusaalemu ekatandikwaho oha? Murakiteekateekireho? Yerusaalemu ekatandikwaho oha? Ekatandika ryari? Twaza kukihikaho, bwanyima y'akaanya kakye. Owaatandikireho Yerusaalemu n'oha? Mwojo, n'obuntu bukye bwingi busherekirwe enyima omu nshonda, kwonka buzima Nibukigamba. Eego, sebo. Owaatandikireho Yerusaalemu n'oha, kandi ekatandika ryari? Ni kirungi. Kandi orwo nirwo rurembo rwa Danieli orurikwera.

19 Kandi Nitwetegyereza ngu orurembo orwo, hati orutuura rukyeenirwe kumara emyaka enkumi ibiri, nirwija kugaruka rwombekwe kandi ruhame omurundi ogundi. Kandi okuramya kwa hekalu nikwija kuteebwaho nk'oku kwabaire kuri omu kutandika. Ekyo kihikire. Yerusaalemu nikwo erikwija kuba, hati, kandi nihaija kubaho ekitambo, empangano y'obutoosha eheebweyo omurundi ogundi nk'oku kyabaire kiri omu kutandika. Nituza kuhika omu birikukira obwingi by'ekyo, ninteebereza, ekiro eki, nari bingi munonga aharibyo.

20 Hati niinyenda ngu mumanye, banywani, ngu, okukwata aha bintu ebi, buzima nintsigayo saabiiti nyangi z'okwegyesa. Kwonka nk'okukikwataho, kugira ngu embeera y'obwire ku eraafukiirire kakye, nari bwanyima y'akacu kakye, ku turaahikye omuri obwo Bumanyiso Mushanju, Enzamba Mushanju, ebintu ebi byona, ebi ndikubaasa kujurizaho enyima kandi nkagira nti, “Nimwijuka aha saabiiti makumi mushanju za Danieli? Nimwijuka obusingye bw'Ekanisa, obu eza ahaiguru, kandi n'ekyabaireho?” Kandi saabiiti ezi makumi mushanju za Danieli nizimara okuruga aha kuza ahaiguru kw'Ekanisa okuhitsya aha kugaruka kw'Ekanisa. Omwanya ogwo nigwo zirikutwara. Hati, hati, ti saabiiti makumi mushanju zonna za Danieli; n'ekicweka kyazo.

21 “Saabiiti makumi mushanju zitairweho.”

Hati, hakaba hariho ebigeendererwa mukaaga omu kutaayaaya Kwe, arikumugambira ekyabaire nikiza kubaho. Hati, hakaba hariho ebigeendererwa mukaaga by'okwija Kwe. Hati, ekiro eki, ninteekeekateeka nituza kurekyera aha omu Byahandiikirwe by'ahi tubaire turi akasheeshe aka, ahi habaire hariho ebigeendererwa mukaaga. Nikyo ekyo. Hati nitushanga ngu hakaba hariho ebigeendererwa mukaaga, kimwe aharibyo. Hati ka tukwate eshuura ya -kana, omushororongo gwa -kana . . . omushororongo gwa 24 gw'eshuura ya 9 y'ekitabo kya Danieli.

Kandi saabiiti makumi mushanju ziteirweho ahabw'abantu baawe, . . .

Hati mwijukye, nibyo ebyo byona ebi Abaisraeli barigira omu rugyendo rwabo omu nsi egi. Ziteirweho. Saabiiti makumi mushanju ziteirweho. Nikyo ekyo kyonka ekihairwe Abayudaaya.

. . . ahabw'abantu baawe n'orurembo rwawe orurikwera . . .

N'ahabw'ekyo, ezi saabiiti makumi mushanju, hati zitabahingura, nizija kushuuura okuruga omu bwire obwo okuhika aha muheru gw'Abayudaaya, n'aha muheru gwa Yerusaalemu, okuhitsya obu haribaho orurembo rusya oruryombekwa. Hati, oo, nyine amatsiko ngu nituza kukihikaho, kurungi munonga kandi kitsimbire emizi ekiro eki.

. . . ziteirweho ahabw'abantu baawe n'orurembo rwawe orurikwera, . . . (kukora ki?) . . . ngu ebicumuro bihwe,
. . .

22 Hati akamugambira ki? Akaba naagyezaho kumanya obwire obu kiraije kuberaho. “Nimmania ngu turi omu bwire bw'aha muheru.” Nk'oku turi hati, “Mukama . . .”

Ni bangahi omu kibiina eki, ekiro eki, abarikwikiriza ngu turi omu bwire bw'aha muheru? Mugambe muti, “Amiina.” [Abateeraine baagira batí, “Amiina.” -Omur.] Mwebare. Turi omu bwire b'aha muheru. Hati nitugyezaho kumanya, ahabwa Ruhanga, ni mwanya ogurikwingana ki obu ekyo kiraije kuberaho. Ni bwire ki obu tutwiremu? Niyo nshonga ei turikugarukira enyima kandi tukakwata baanabi aba, n'ebindi, reero tukagyezaho kumanya ni nkahi ahi turi.

23 Kandi ekyo nikyo Danieli yaakozire. Amaisho ge akagata ahari Ruhanga. Ni bangahi abashomire ekitabo kya Danieli 9 ekiro eki, mwimutsye emikono yaanyu. Ni kirungi. Nimureeba okushaba kwe, nk'oku yaayatwire eby'okushiisha bye n'ebi'abantu be, kandi n'okwatura kwe ahabwe. Akaba naayenda kuhamya ngu yaayetegyereza obu baabaire bashemereire kugarukayo, ahabw'okuba akaba naayenda kutebeekanisa abantu kugarukayo.

Hati, eki ndi kugyezaho kukora, n'okumanya ni ryari obu turaagyende omu kutwara, kandi n'okutebeekanisa abantu okuza omu kutwarwa, abeeteekateekire. Kandi amaisho gaitu tugahangire Ruhanga, kurabira omu kushaba n'okweshengyereza, kwetegyereza, “Mukama, ni bwire ki obu tutwiremu?”

24 Tureebire ebintu ebi byona ebitari bimwe nibibaho; nitireeba ensi eri omu katabanguko. Nitireeba obwire

bwiriire haihi. E- . . . ebirikworeka akabi akarikwenda kwija, ebintu byona ebi Ruhanga yaagambire. Nituhurira Purezidenti waitu naagamba aha rutaro orundi, orurikwija hati hati. Nituhurira okuteebereza, "Omu, oo, omu bwire bukye ahanyima y'orutaro, hateebereziiwe ngu amahanga tigarikwija kuba kindi kureka omucucu ogurikuruga omu muriro gw'ahansi y'eitaka. Kandi nitumanya ngu twakitungire.

N'ahabw'ekyo nitumanya, ekyo kitakabaireho, Ekanisa neeteekwa kugyenda. N'ahabw'ekyo, "Mukama, turi nkahi?" Egyo niyo nshonga niinyikiriza ngu Naaza kutumanyisa. Tuhangire amaisho gaitu kwetegyereza. Hati, kubanza, ka tucondooze.

Saabiiiti makumi mushanju ziteirweho ahabw'abantu baawe . . . orurembo rwawe orurikwera, ngu ebicumuro bihwe, . . . ebibi biihweho, okutahikiirira kurihiirirwe, . . . (areete) okuhikiirira okutarihwaho, . . . ebyorekirwe n'ebahanwirwe baanabi biteebweho akamanyiso, (n'Aharikwera munonga hashukweho) amajuta.

Ebyo nibyo byabaire biri ebigyendererwa mukaaga by'okutaayaaya kwa Gaburieli.

25 Hati ka tutandikye, enamba y'okubanza. Mwaba nimwenda kubihandiika, imwe abaine ekaraamu. Enamba y'okubanza, "Ebicumuro bihwe," ekyo nikyo kintu ky'okubanza. Hati, okumaraho ebicumuro bya Israeli, abaacumwire ahari Ruhanga, nikwija kuba okuruga omu kutahikiirira kwa Yakobo.

Hati, okubona eki, ka tubikuure omu kitabo ky'Abarooma. Eshuura ya 11 y'Abarooma, kandi tutandikire aha mushororongo gwa 21 gw'Abarooma 11. Hati twaza ahari ki? "Ngu ebicumuro bihwe." Abarooma 11:21. Ni kirungi.

Ahakuba Ruhanga ku araabe atarasaasiire eitaagi agahangiirweho, . . . (rikaba riiha? Israeli.) . . . naiwe tarikusaasiira.

Hati, niinyenda ngu imwe, ku muraahikye omu ka, mushome eshuura 11 egi yoona. Ninshoma eki kugira ngu . . . Muhandiikye eshuura ya 11 yoona, reero mugishome.

. . . tarikusaasiira.

Yetegyereze embabazi za Ruhanga, . . . okutasasira kwe; ahari abo abaagwire, . . . kwonka ahariitwe n'embabazi ze, ku oraabe n'ozigumamu; ku oriba otazigumiremu, naiwe oryahagurwaho, naiwe oryahagurwaho.

Kandi nabo, ku bariba batagumiire mu butaiki- . . . bwabo, ku bariba batagumiire mu butaikiriza bwabo baryabyarwamu, ahakuba Ruhanga aine obushoboorozi kugaruka kubabyaramu.

Mwareeba, naagamba ngu obwire nibwija kuhika obu Abanyamahanga baricubwaho, kandi Israeli egarurwemu omurundi ogundi.

Omanyе ngu ku oraabe waahagwirwe aha-aha muzeituuni ogw'omu ishwa omu buhangwa (Abanyamahanga), okabyarwa omu muzeituuni omurungi, ogu waabaire otaine buzaare nagwo . . .

Tukaba tutaine buzaare n'obuhangwa, turi abanyamahanga, tutagiriirwe mbabazi, tutaine Ruhanga, tutaine matsiko na kakye. Kandi Ruhanga, ahabw'embabazi Ze, okutuha omugisha, yaacwaho Abaisraeli abahikiriire ahabw'ebicumuro, kandi yaabata aha rubaju, na- . . . omuti gw'omuzeituuni oguhangiirweho, kandi yaareetamu omuzeituuni gw'omu ishwa, ogutaine kakwate n'obuhangwa.

. . . amataagi gari agaabaire gari ag'obuhangwa tigarikira munonga kugaruka kubyarwa aha muzeituuni gwagwo?

Ni kirungi, ka tugumizemu tushome.

B'eishe-emwe, niinyenda ngu mushoboorokyerwe enaama egi, murekye kweyeta abanyabwengye. Mumanye ku ekicweka ky'Abaisraeli kyagizire obugangaazi, kyagizire obugangaazi okuhitsya obu Abanyamahanga baritaaha omu kanisa . . . bakahika omubaro oguhikire;

26 Okuhitsya obu Ruhanga araaheze n'Abanyamahanga, Israeli ekahumibwa. Bakagwa omu kibi n'ebicumuro ahari Ruhanga, ahabw'okuba Ruhanga akahumya amaisho gaabo, ngu tubaase kubyarwamu. Mwakikyenga? [Abateeraine bat, "Amiina." -Omur.] Omushororongo gwa 26 hati.

obwo Abaisraeli boona baryajunw, . . .

Ruhanga akabahumya ahabw'ekigyendererwa kyanyu naanye. Tibarikubaasa kureeba, ahabw'okuba Ruhanga akabahumya. Kandi Israeli yoona, Israeli ey'amazima, eryajunwa. Maraika akagamba ki? Ekitiinisa! "Okumaraho ebicumuro bya Israeli! Naija kukugambira ngu obwire nibwija kuhika obu ebicumuro bya Israeli birihwaho." Ruhanga naija kucwaho eryo itaagi ry'omu ishwa, abyaremu eryo, arigaruremu, eitaagi eryo ryonyini omurundi ogundi.

Oo, obumwe n'obumwe nikituma omutima gwangye gwaguruka, kureeba abo bantu abooro, abantu ababurangiriirwe bacwibweho kuriya seeri, batarikumanya ei barikuza; haza n'okuteekateeka ngu Ruhanga, omu

mbabazi ze, akakora ekyo kugira ngu mbaase kujunwa. Akahumya amaisho gaabo ngu batareeba Mesia waabo, yaigara amatu gaabo ngu batabaasa Kumuhurira; kandi obwo, baareebera kimwe eby'okutangaaza Bye, kandi bakareebera kimwe eby'okutangaaza Bye n'ebintu ebi yaabaire naakora.

27 Matayo, niinyikiriza, eshuura ya 12, nari 8 nari eshuura ya 12 ekagira eti, "N'obu Yesu yaakozire eby'okutangaaza bingi munonga, hoona nabwo Tibaramwikiriize." Ahabw'okuba, Ruhanga akagira ati, "Baine amaisho kandi tibarikubaasa kureeba, n'amatu kandi tibarikubaasa kuhurira; kugira ngu batakaareeba n'amaisho gaabo kandi bakahurira n'amatu gaabo, reero Nkabahindura." Kwonka, kugira ngu tubaase kutunga omugisha, akaiha orutimbe aha maisho g'abaana Be, yaabinga abaana Be aha meeza, kandi yaabareetera kukooha omu Mwoyo, kugira ngu Abaase kubona . . . ngu tubaase kugira omugisha gw'okukira, arikutuha Amagara. Omushororongo gwa 26, omurundi ogundi.

Obwo Abairaeli boona baryajunwa, nk'oku kyahandiikirwe ngu: Omujuni aryaruga omuri Saayuuni, Aihe omuri Yakobo okutatiina Ruhanga;

Eego, Aryaija aha Rushozi Saayuuni, kimwe omu biro ebi. Aha Rushozi Zeituuni, nibaija Kumwetegyereza, kandi Israeli yoona eryamanya ngu Niwe. Obwo eby'Abanyamahanga biryaba byahweire. Eryo eitaagi eryabyairwemu, Ruhanga aryariihaho ekijuma ekiriba kirundainwe. Kandi eitaagi eryo ery'omu ishwa nirija kuba . . .

28 Kandi hati mwijukye, enyima oku hanu waaba nooshoma, Akagira ati, "Ekitsitsa ekyo ku kiraabe kyabaire kiri ekirikwera, kandi n'ekitsitsa ekyo kyabaire kiri Ekitsitsa ekirikwera, n'ebijuma nabyo ebirikuruga omuri ekyo Kitsitsa ekirikwera kirayana ebijuma ebirikwera." Kandi Ekitsitsa ekyo ku kiraabe kyabaire kiri Yesu Kristo, Ori byombi Ekitsitsa kandi n'Omwijukuru wa Daudi; Amagara ago ku garaabe gaabaire gari Omuriwe, gakarugayo gakaraba omu busingye bw'Abayudaaya kandi gakabaihwaho, n'amaisho gaabo gakahumibwa ngu itwe tubaase kureeba, amagara gaitu garyateekwa kushushana n'eryo Itaagi erihairwe omugisha. Oo, eego, Ow'eishe-emwe. Ekyo kihikire.

29 Ruhanga akabacwaho, ahabw'ekigyendererwa, kandi yaahumya amaisho gaabo kugira ngu tubaase kutunga omugisha gw'okureeba, arikutuha omwanya. Haza nitugyendagyenda orikushusha oti turi ab'amaani. Paulo naabagambira hanu ati, "Mwegyendesereze, oku murikukora ekyo. Mwegyendesereze! Ruhanga ku araabe atarasaasiire eryahangiirwemu, Aryagirira ata embabazi erindi itaagi ry'omu ishwa eryaherize . . ."

N'ahabw'ekyo nitugyendagyenda, tugira tuti, "Ndi owa Puresbateeri! Ndi owa Metsodisiti! Ndi owa Baputisiti! Ndi Omupentekoote!" Ekyo tikiine eki kirikumanyisa ahari Ruhanga. Nooteekwa kuzaarwa obwa kabiri n'Omwoyo Orikwera ogwo owaarugire omu Kitsitsa. Kwonka Akaija . . .

Hati, mwijukye, Tarikugamba aha Munyamahanga. Eki ninkinagamu hanu nikwo mureebe ahu Abanyamahanga bainiire omugisha gwabo.

Kwonka, Akaija "ngu ebicumuro bihwe," abimareho.

30 Hati, ku turaagarukye omu kitabo kya Danieli omurundi ogundi, kandi nitwija kushanga ngu omuri Danieli, nitushanga hanu, omu mushororongo gwa 24. Ni kirungi. "Okumaraho ebicumuro." "Okumaraho ki? Okumaraho ebicumuro bya Israeli.

Ekicumuro niki? N'okuhakanisa ekintu. Okuncumuraho, n'okunkorera kubi. Okukucumuraho, n'okukukorera kubi.

N'ahabw'ekyo, Israeli ekacumura ahari Ruhanga. Kandi omuri egi saabiiti ya makumi mushanju, nihaza kubaho ki? Ruhanga naaza kumaraho ebicumuro bya Israeli. "Okumaraho ebicumuro," naija kuba, "naihaho okutahikiirira kwa Yakobo." Kandi obwo Israeli yoona eryazaarwa obwa kabiri. Boona baryayakiira Omwoyo Orikwera.

31 Hati, enamba ya kabiri, ekyo kihandiikye aha rupapura rwawe.

Nitubaasa kumara obwire buraingwa ahari ekyo, kwonka tindikwenda kukibuuriraho. Niinyenda kugamba naimwe, kugira ngu mubaase kukyetegyereza kurungi. Ku turaahikye omuri obu Bumanyiso Mushanju, reero nimuza kugumirizamu kimwe kuraba omu Kanisa, okuraba omu Bumanyiso, okuraba omu Bibonaboneso, kandi tumanye ahi turi. Ni kirungi.

Enamba ya kabiri, "Ebibi biihweho." Hati ka tushome omurundi ogundi, ekitabo kya Danieli.

. . . ebicumuro . . . bihwe, kandi-kandi ebibi biihweho, . . .

Ekyo nikyo kigyendererwa kya kabiri ky'okwija Kwe. Eky'okubanza, ebicumuro bya Israeli bihwe; kandi n'okumaraho ebibi. Israeli ekashiishira nkahi? Ekibi kyabo eky'amaani bakakikorera nkahi? Bakataanira nkahi na Ruhanga?

32 Hati muhurikize kurungi. Ka tubikuure omu kitabo kya Matayo Orikwera 24. Kandi aha niho Israeli

yaakoreire enshobe yaayo y'akabi. Aha niho yaakoreire ekibi kyayo eky'aha muheru, kandi enshonga erikutuma eri omu mbeera egi ebiro ebi. Matayo, eshuura ya 27 y'ekitabo ky'Engiri ya Matayo Orikwera, n'Omushororongo gwa 25 gw'eshuura ya 27. Ka tutandikire nk'aha gwa-omushororongo gwa 21.

Omutegyeki yaagaruka yaababuuza ati: Ahari abo bombi nimwenda ku mbarekurira oha? Baagarukamu bati; Barabba.

Hati mwijukye, egyo ni Israeli. "Barabba!"

Pilaato yaababuuza ati: Mbwenu shi, ngire nta . . . Yesu orikwetwa Kristo? (Bahirikize!) Boona baagarukamu bati: Abambwe aha musharaba.

Mwijukye, ogwo ni Mesia waabo ou Danieli yaagambireho ngu aryaija. Mwijukye akasheeshe aka, omu ishomo hanu, "Aryaihwaho, atari Ahabwe," tihariho kintu kyona eki Yaakozire.

. . . abambwe aha musharaba.

Yaababuuza ati: ahanki? Ni kibi ki eki akozire? Baayeyongyera kuyomba nibagira bati: Abambwe!

Pilaato ku yaareebire naayeruhiza busha, kandi yaareeba ngu haaza kubaho . . . okurabanamu, yaayakiira amaizi, yaanaaba omu ngaro omu maisho g'abantu, naagira ati: Tiinyine rubanja ahabw'eshagama y'omuntu ogu ohikiriire; . . . mubyemarire

Muhurikize! Enshobe yaabo ngigi. Ekibi kyabo nkiki.

Abantu boona baagarukamu bati: Eshagama ye ebe niitwe yaatukurira n'abaana baitu.

33 Aho niho baakikoreire. Akaba naamaraho ekibi ahabwabo. Akaabaasize kukora ekindi kyona ata kureka okubasaasira, arikumanya ngu Naaza kuhumya amaisho gaabo, ngu tubaase kutaahamu. Ni nk'abaana Be baarikushaba Eshagama Ye. Kandi bakahumisibwa, kandi Akamanya ngu bakahumisibwa. Egyo niyo nshonga Eyaamugambiisiize ahaiguru ahabw'okusaasirwa kwabo. "Basaasire, Taata, tibarikumanya eki barikukora." Bakaba bari empumi. Bakahumisibwa ahabwaitu. Omu butaikiriza bwabo bakakora eki. Kwonka ku Barimureeba omurundi ogundi . . . Amiina!

34 "Okumaraho ekibi." Ekibi niki? Obutaikiriza. Tibaraikiriize ngu ogwo akaba ari Mesia. Bakaba batarikubaasa Kumureeba kuba Mesia, kandi obwo akakora buri kamanyiso koona aku Mesia yaabaire ashemereire kukora. Kwonka bakaba batarikubaasa kukareeba. Bakaba bari empumi.

N'ahabw'ekyo waareeba abantu nibaagamba ngu, "Tindikwikiriza kutamba kwa Ruhanga. Tindikubaasa kukureeba. Tindikubaasa kureeba okubatizibwa oku kw'Omwoyo Orikwera. Otakaabakwatirwa ekiniga; n'empumi. Nibagira bati, "Tindikubaasa kureeba obu Butumwa bw'Okwija Kwe. Tindikubaasa kureeba okubatizibwa oku kw'Omwoyo Orikwera. Tindikubaasa kureeba oruzaaro rw'enjoka. Tindikubaasa kureeba ebintu ebi." N'empumi, kandi tibarikukimanya. Mubashabire. Ni kirungi.

35 Omu butaikiriza bwabo; kwonka, ku Barimureeba, ku Arigaruka omurundi ogundi, nikija kumarahao obutaikiriza bwabo. Oo, mugyenzi! Ka tubikuure kubanza omu kitabo ky'Okutandika 25, eshuura ya 45, reero tubone e-ekishushani kyakyo. Hariho bimwe ebi mpandiikire hanu, eby'omu kitabo ky'Okutandika 45, imwe abarikuhandiika ebihandiiko. Oo, ka ninkunda Engiri egi eya ira! Ni kirungi. Hati nitumanya ahi turi.

Nimubaasa kumpurira kurungi, enyima omu kyombeko? Mwimutsye emikono yaanyu ku muraabe nimubaasa kumpurira. Naagwiriza haihi kakye.

36 Hati twaza kushoma ekicweka ky'Ebyahandiikirwe eki. Niinyenda ngu ohurikize, iwe otaine Baiburi yaawe. Iwe oine Baiburi yaawe, n'Okutandika. Kubanza, ka tutandikire aha shuura ya 44, tutandikye n'omushororongo gwa 27.

Ni Yosefu, kandi Yosefu akaba ari ekishushani ekihikire kya Kristo. Ekyo nitukimanya. Ni bangahi abarikumanya ekyo? [Abateeraine baagira bati, "Amiina." -Omur.] Akangwa beene ishe (ahabw'enki?) ahabw'okuba akaba ari ow'omwoyo, akaba areeba okworekwa, ashoboorora ebirooto. Akaba ari omuntu w'omwoyo omuri beene ishe, reero bamwanga. Kandi ishe akaba naamukunda.

Na Yesu nikwo yaayangirwe amakanisa g'ebibiina by'amadiini, kwonka arikukundwa Ishe, Ruhanga. Ahabw'enki Bamwangire? Ahabw'okuba Akaba ari ow'omwoyo. Ahabw'okuba . . .

37 Bakagamba, baagira bati, "N'omufumu, omuzimu."

Nimwijuka eki beene ishe ba Yosefu baamugambiire? "Omurootsi ngungu yaija." Mwareeba? Mwareeba, ekintu nikyo kimwe. Kandi baaguza Yosefu haihi omuhendo nigwo gumwe ogu Yuda yaagurize Yesu, ebiweka makumi ashatu by'efeeza. [Ow'eishe-emwe Branham yaakongoota aha kituuti emirundi mingi -Omuri.] Bakamunaga omu kiina, kandi baagyenda baagambira ishe ngu haine ekintu ekimwitsire, akaba afire. Kwonka akaihwa omu kiina. Kristo akanagwa omu kiina, kandi yaihwamu. Kandi okuruga aho akaza omu mwanya

ogurukukirayo ahaiguru ogurabaireho omu nsi. Amiina! Yosefu akaza aha mukono gwa buryo gwa Faraho; na Yesu yaaza aha mukono gwa buryo gwa Ruhanga. Omu kugyezibwa Kwe, atakatungwirwe. Yesu, Atakatungwirwe, akaraba omu kugyezibwa.

38 Ahabw'enki, niinyikiza ngu akaba ari Billy Sande, omubuurizi w'engiri ow'amaani, akagira ati, "Buri-buri muti gukaba gwine Baamaraika mirioni abagushutamiho, ekiro ekyo ky'okubambwa, baagira bati, 'Gorora omukono Gwawe reero otworekyereze akakumu. Nituza kuhindura ebi ebiri aha.'" Kwonka Akaba atarikubaasa kukikora.

Kayaafa akagira ati, "Akeejuna; abandi tarikubaasa kubajuna." Akaba atarikumanya ngu naahikiiriza ekyagambilwe. Kuri Yaayejunire, Takubaasize kujuna abandi. N'ahabw'ekyo, Akeehayo, okujuna abandi. Mwareeba, bakaba bahumiire kimwe obutakireeba. Hati baka . . .

39 Reero ku yaabaire ari okwo omu kutungurwa Kwe, nari atakatungwirwe, okugyezibwa Kwe. Mwijukye, Yosefu akateebwa omu kihome ahabw'okuba akaba ataine rubanja. Abarooma, hari . . .

Omuserukare mukuru wa Israeli, eiziina rye Potifaari; Potifaari akagyenda, kandi yaaza hare omu rugyendo. Akaba aine omukazi murungi, kandi omukazi we akeeta Yosefu kwija omu nju kugira eki yaakora; kandi yaagyezaho kukwata Yosefu ngu akore ekintu kibi. Kandi akaba ari omwesigwa ahari Ruhanga. Ninkugambira, nikwo batuura . . .

40 Imwe bakazi 'mwe, mbajukiirire munonga; hati niinyenda kubarwaniriira, edakiika. Mwareeba? Omukazi n'orwabya rworobi munonga. Nimmanya ngu tiharikubaasa kubaho omushaija mubi hatakabaireho omukazi mubi. Kwonka abashaija abarikumanya ekyo, abashaija abarikumanya ngu muri abaana ba Ruhanga, haza mukakozesa abakazi ekintu ekitari ky'obwesigwa, mwashwara; n'obu yaakukora ki. N'orwabya rwanguhi, kandi ekyo nimukimanya. Ku araaze aheeru, naayetwaza okutari nk'abakyara, mukwate omukono reero ogambe nawe nk'ow'eishe-emwekaza. Ori Omwana wa Ruhanga. Otabakora ebintu bibi. Reeba Yosefu, akaba ari eky'okureberaho kyanyu.

41 Kandi obu muka Potifaari, omukazi murungi ogu, w'ekitiinisa, ow'ahaiguru munonga, omwe aha bakazi b'ahaiguru munonga abaabaire bariho omu ihanga, akamweshengyereza, yaamubeihabeisha. Kandi yaakuba, reero omukazi yaamukwata kandi yaagyezaho kumugwa omunda. Reero yaamweyaka n'amaani okuhitsya obu yaamujwire ekooti ye, kandi akairuka akamuhunga. Eego, sebo. Kandi ku yaataahiremu baamubeiherera, baagira ngu aizire kumuhamba, reero yaatsiga e . . . kandi yaatsiga ekooti ye aho. Kandi n'ahabw'ekyo yaaza omu kishengye ky'enkomu y'omwirima. Kwonka, omu nkomo y'ahansi y'eitaka y'omwirima, Ruhanga akaba ari nawe, tikiine nshonga ahi baamuteire hoona.

Akaba ari ekishushani ky'Omwana w'entunguka. Buri kintu eki Yosefu yaakozire kikatunguuka. Kandi Yesu ku araagarukye omu Kutegyeka kwa Kristo kw'emyaka rukumi, egyo niyo nshonga ensi y'omusheenyi erirabya ebirabyo nk'ekimuri kya rooza. Buri kintu eki arikora kiryatunguuka. N'Omwana w'entunguuka. Ahi waabaire ota Yosefu hoona hakaba haagira omugisha. Ahi Yesu ari hoona, nihahieebwa omugisha. N'ahabw'ekyo, mwakiire omu mutima gwawe reero oheebwe omugisha.

42 N'ahabw'ekyo nitushanga hati, ngu, Yosefu obwo akateebwa omu nkomo. Kandi omu nkomo hakaba harimu abashaija babiri; omwe aharibo akabura, kandi omwe yaajunwa. Yesu, omu kugyezibwa Kwe aha musharaba, omushuma omwe akabura, kandi ondiijo yaajunwa.

Ku yaatungwirwe, Yaaza aha mukono gwa buryo gwa Ruhanga. Yosefu ku yaatungwirwe, yaaza aha mukono gwa buryo gwa Faraho, kandi tihariho muntu owaabaire agamba na Faraho atabandize kugamba na Yosefu kandi akatunga orusa.

Kandi Yosefu ku yaabaire aruga omu kikaari . . . Oo, mugyensi! [Ow'eishe-emwe Branham yaateera omu ngaro omurundi gumwe -Omuri.] Yosefu ku yaabaire aruga omu kikaari, enzamba zigamba, kandi abashaija bairuka omu maisho ge, nibagira bati, "Mutsimbe amaju Yosefu naija!" Amiina!

Kandi Yesu ku ariruga aha mukono gwa buryo gw'ow'ekitiinisa ahaiguru, enzamba ziryagamba. Kandi buri kuju kuryainama, na buri rurimi rwature ruti, "Yesu yaija!" Buzima! Kwonka ku . . .

Kandi, mwijukye, ku yaayangirwe beene ishe, akakora ki? Akatunga omukazi omunyamahanga; akatunga omukazi Omunyamisri. Yesu ku yaihirwe ahari Beene ishe enyima okwo, Abayudaaya, Akataasya Omugore Omunyamahanga. Kwonka hati, bwanyima y'emyaka, bwanyima abaana baaheriza kuzarwa, Efuraimu na Manaase, akaba aine eka.

43 Bwanyima, ekiro kimwe, beene ishe bakaija kumutaayaayira. Reeba. Niumanya ekyabaireho ekyo, oku yaatairemu ekintu kikye ekyo omunda omwo, kukigarurayo. Kandi yaayetwara nangwa nk'owaabaire atarikumanya orurimi; akaba aine omuhinduzi, w'Oruheburaayo, obwo yaabaire ari Omuheburaayo we wenka. Kandi beene ishe bakaba bashuumire eifo. Bakaba batarikumumanya. Akaba ari omunyiginya w'amaani.

Kandi hati hati, Kristo naataayaayira Abayudaaya, naatamba endwara zaabo n'ebindi, kandi nabwo tibarikumanya Mesia ogwo, ou Ari.

Ka tutandikire aha mushororongo gwa 27 gw'eshuura ya 44.

N'ahabw'ekyo omwiru waawe tata akatugira ati: Nimumanya ku omukazi wangye yanzaariire aboojo babiri; Omwe akandugaho, . . .

Ogwo akaba ari Yosefu, we wenyini ou baabaire nibagamba nawe.

. . . (kandi) naateekateeka nti buzima akataagataagurwa; kandi n'okuhitsya
hati tinkamureebaga.

Mbwenu ku muranyiheho n'ogu, haagira ekyamubaho, nimwija kundeetera obujune bumpuhure, nshuume okuzimu nk'oku murikundeeba n'ezi nju.

44 Bakaba baine Benyamiini muto eifo okwo, murumuna we omuto. Nimumanya Benyamiini ou arikushushanisa? Ekibiina kisya eki ky'Abayudaaya kashushu, ab'amazima, abarikwerundaanira okwo hati kukora abo emitwaro ikumi na ina n'enkumi ina, oru-oru ruganda orurikurugayo. Batari egi mihiiri ya Wall Street, ngaaha, ngaaha; abo n'endijo nyama y'eisasi. Abo tibari Bayudaaya. Abo tibari Bayudaaya. Abayudaaya kashushu ni Baabenyamiini abato abarikwija nibaruga eifo aha, kandi abatakahirahoga Ebigambo bya Yesu Kristo.

45 N'ahabw'ekyo ku ndigaruka aha . . . kandi sho . . . kandi tata, omwojo tutamwine, ahabw'okuba amagara ge gakwaitswe ag'ogu mwana;

Amagara ga Ruhanga We wenka gakwatsirwe Israeli. Amushweire. Twaza kukihikaho omu dakiika nkye, Mukama ku araakikunde. Ashweire Israeli. Amagara ga Ruhanga gakwatsire age. Nk'oku nyine akakwate na Mukyara Branham enyima okwo, omukazi wangye, kandi oine akakwate n'omukazi waawe. Amagara gaawe gakwataine nakyo. Kandi Ruhanga ashweire Israeli. Kandi kikaba kiri ki? Yakobo akagamba ati, "Amagara gangye geezingiriire kandi gakwatsirwe omwana ogu. Niinyija ku . . ."

Yaareeba (omwojo) tutajia nawe, . . .

Yosefu akaba naaza kugumyayo omwana. Nimumanya ekyabaireho ekkyo.

. . . aryafa, ishe: kandi itwe abairu baawe turyaba tureeteire omwiru waawe tataitwe obujune bw'okumuhuhura, ogwo mugurusu ashuume okuzimu n'ezo nju.

Muhurikize okweshengyereza okwo oku Reuben arikweshengyereza hati.

Omanyé ngu nyowe omwiru waawe niinye naayemerereire ogu mwana ahari tata . . . ningira nti: Ku ndiba ntamuku- . . . ntamukugaruriire, ndyagiibwaho orubanja (rwa tata) orutarindugaho.

N'ahabw'ekyo ninkweshengyereza, Mukama wangye, mbe niinye naaguma aha, (omu mwanya) gw'omwana ogu . . .

Oo, mugyenzi! Mwareeba, ayemerereire kimwe omu maisho ga Yosefu, mwene ishe. Ogu ni Yosefu, kandi tarikumumanya. Oo, tegyereza kuhitsya obu okwo Kutegyeka kwa Kristo kw'emyaka rukumi kuraatandikye, ow'eishe-emwe!

Mukama wangye, mbe omuhuuku waawe, haza omwana ogu we ataahe ba . . .

Mumuhurire, naayatura ati, "mukama."

. . . haza omwana ogu we ataahe na bakuru be.

Mbwenu nimbaasa nta kugaruka ahari tata, ntaine ogu mwojo? Nintiina kureeba akabi akarihika ahari tata.

46 Naayeshengyereza, arikuhayo amagara ge wenka! Abayudaaya abo ka nibaija kwemerera aho bategire emikono yaabo! Mwetegyereze. Mwetegyereze hati omushororongo, gwa 45 . . . Muhurikize kurungi, mutakifeerwa. "Obu Yosefu yaabaire naabaasa ku . . ."

Yosefu yaaremwa . . . kwegumya-yaaremwa kwegumya omu maisho ga boona abaabaire bamwemereire haihi; . . .

Ow'eishe-emwe, obwo nibwo ekibi kirimarwaho. Obutaikiriza nibwija kutaataana.

. . . yaagira ati: Ragiira abantu boona bashohore . . . bampigize. Tihagira muntu weena owaatsigara na Yosefu, omu kwegambira beene ishe.

Niki? N'omukazi we wenka akagarukayo omu kikaari. Oo, mugyenzi! Omugore ari omu Kitiinisa, obwo Yesu yaaba naagaruka (nitwija kukihikaho hanu) naayemanya.

47 Yaarira naaborooga: . . .

Yosefu akaba atarikubaasa kwezibira, reero yaaborooga.

... aAbanyamisri n'ab'omu nju ya Faraho baamuhurira.

Okuhikira kimwe enyima omu kikaari, bakahurira Yosefu naaborooga. Hati, ekyo kikaba kiri ekishushani kya Kristo naabugana Abayudaaya, ngu, Arikumanya ngu akabahumisa nikwo itwe tubaase kutunga omugisha. Kwonka ku araabaizire omurundi ogundi, ekibi kya Israeli nikija kuhwa.

Yosefu yaagambira beene ishe, ati: Niinye Yosefu . . .

Nooteekateeka ngu Yesu aryagamba ki? Ngu, "Niinye Mesia waanyu. Niinye Ogwo ou mwabambire."

... tata akibaho? Beene ishe baabura eki baamugarukamu, ahakuba bakashobererwa omu maisho ge.

48 Oo, nshemereire kurekyera aha nk'edakiika. Reka tubikuure omuri Zekaria eshuura ya 12. Mubiikuure naanye omu kitabo kya Zekaria, eshuura ya 12 y'ekitabo kya Zekaria. Kandi obundi nintwara kakye obwire buraiingwa munonga nintandika kubuurira ahari eki, kwonka ti-tinyine matsiko. Kandi ni-niinyenda ngu mukyetegyereze, kubi munonga.

Zekaria, ka tukwate eshuura ya 12 ya Zekaria, reero tureebe eki Arikwija kugamba hati ku Aryemerera omumaisho ga Beene ishe. Zekaria 12, kandi n'ogwa 10. "Ekibi kiihweho," hati. Ni kirungi, eshuura ya 12 n'omushororongo gwa 10.

49 Mwetegyereze. Kandi hati hanu naagamba aha baatsigaireho; okugotwa kwa Yerusaalemu; enyamaishwa kandi n'amahe bitweirwe, kandi n'ebindi; ebintu byona byahikire aha muheru hati; ebi biri haihi n'Okutegyeka kwa Yesu kw'emyaka rukumi. Okutegyeka kwa Kristo kw'emyaka rukumi kuri haihi kutandika hati hati.

Kandi ndyashuka aha nju ya Daudi n'aha batwire Yerusaalemu omwoyo (gw'enki?) embabazi . . .

Amiina! Embabazi ezirikutangaaza!

... aha nju . . . n'aha batwire Yerusaalemu, ("orurembo orikwera" rwa Danieli), omwoyo gw'embabazi n'okweshengyereza: ku barireeba (nyowe) ou baacumitsire, baryamucurira nk'oku omuntu acurira omwana we omwe nyamunegyere, bamuririre munonga, nk'oku omuntu aririra omwana we w'omujigaijo.

50 Hurikiza, okwo ka kuriba okucura ku Ariba ayemereire aho, Naabeeeshuuruurira, nk'oku Yosefu yaakozire! Muhurikize.

Kandi eryo izooba omuri Yerusaalemu haryabamu okucura kwingi okurikwingana n'oku baacuriire Hadadi- . .

Tindikubaasa kwatura eryo eiziina, H-a-d-ad-r-i-m- - o- . . .

. . . Hadadi-rimooni omu . . . Megido-Megido.

Kandi ensi eryacura, buri ruganda rucure okwarwo, oruganda rw'enju ya Daudi okwarwo n'abakazi baabo okwabo; oruganda rw'enju ya Nasani okwarwo, n'oruganda rwabo okwabo;

Oruganda . . . rw'aba Leevi okwarwo . . . n'abakazi baabo okwabo; . . . na Shimei n'orwabo okwarwo;

Kandi n'enganda zoona eziritsigaraho, . . . buri ruganda okwarwo n'abakazi baabo okwabo

Nibaija kushwara munonga, ku baryemerera aho reero bakareeba ngu ogwo wenyini ou baabambire kandi bakeehakana, ayemereire aho, Yosefu waabo omukundwa. Ka nihaija kubayo okucura kw'amaani! Kandi baryagira bati, "Ezo nkojo okaziiha nkahi?"

Akagira ati, "Omu nju ya banywani bangye." Nimureeba eki ndikumanyisa? Kumaraho ekibi, ky'obutaikiriza, ekyo nikyo Kirikumureeta.

51 Kandi ogu mwaka gwa makumi mushanju gwa Danieli, saabiiti ya makumi mushanju, nimmanyisa, kuhika aha kumaraho ekibi, okukiihaho. Nimwetegyereza hati? Eky'okubanza niki? "Kumaraho ebicumuro." "Kumaraho ekibi." Enamba ya kashatu, "Okutahikiirira kurihiirirwe." Imwe abarikukihandiika.

Mbaire nyine nk'Ebyahandiikirwe ebendi mukaaga aho, kwonka naabirabaho, ahabw'okuba nihootsy. Titurikwenda kutwara obwire buraiingwa munonga. Niinyenda kugira bingi nk'oku ndikubaasa, kwonka ntarikubagumya omwanya murainwa. Ni kirungi.

52 "Okutahikiirira kurihiirirwe." Okutahikiirira ni "okukora ekibi," nk'oku baakozire aha musharaba. Akarihiirira, kwonka tikurikwija kubaheebwa. Tikurabahairwe. Ahabw'enki? Ahabw'okuba bakahumisibwa kandi tibaabaasa kukireeba. Kandi ahabw'enki baahumisiibwe?

Noogira oti, "Mbwenu, obundi, ekiro eki . . . ahabw'okuba ndi empumi." Ori empumi ahabw'okukunda kwawe. Bakaba empumi ahabw'okuba Ruhanga akabahumya. Kwonka iwe ori empumi ahabw'okukunda kwawe. Tihariho

kurihiirirwa kwawe. "Ku muraabe mutaikiriize ngu Ndiwe," Yesu nikwo yaagambire, "Nimwija kufeera omu kibi kyanyu." Ekyo kihikire.

53 Hati reka tugarukye tubikuure omuri Zekaria omurundi ogundi, eshuura ya 13. Hati ka tuhurikize hanu. "Okurihiirira." Hati, ahi eki . . . haine ou naaba ninsherura, hurira eki-hurira eki, kwonka obundi Mukama naaza kukireeta omuringo ogundi.

Eryo izooba ab'e . . .

"Aha kiro ekyo." Dokita Scofield aine hanu aha tuhandiko twe otw'ahansi y'orupapura oturikushoboorora ebyaheza kugambwaho, nari aha mutwe gwa paraguraafu, "Abaatsigaireho . . . Abaatsigaireho abeegarukiremu bakoorekyereza aha musharaba."

"Okutahikiirira kurihiirirwe." Okutahikiirira, n'ekibi eki okozire, eki obaire noomanya kukora, eki oshemereire kuba otakozire. "Kuri naataire omutima aha by'okutahikiirira, Ruhanga tarikwija kumpurira."

54 Hati, omuri Zekaria eshuura ya 13, reka tutandikire aha gwa 1, aha mushorongo gwa 1.

Eryo izooba ab'enju ya Daudi n'abatuuzi ba Yerusaalemu baryaigurirwa enshuro y'okuboozyaho ebibi n'oburofa . . .

Haryabaho enju eigwire. Gyenda omumaisho; nitubaasa kuhashoma okushuumma kugumizamu ahaifo. Niinyenda ngu muteho akamanyiso nikwo mwije kuhashoma. Kwonka hati, nttaireho akamanyiso hanu kutandikira aha mushororongo gwa 6 kandi nshome okuhitsya aha gwa 10. Ni kirungi, ka tushome hati reero tureebe, mushome okuhitsya aha gwa 9, naaba nimmanyisa.

Kandi ku harigira owaamubuuza ati: ngu nkahi, . . . Obwo buhuta bw'omu ngaro

zaawe bukaruga hi? Aryagarukamu ati: Obuhuta obu . . . (ka tureebe) . . . nkabuhutaazibwa omu nju ya banywani bangye.

Iwe rurara 'we, sisiimuka, orwane n'omuriisa wangye, Mugyenzi wangye onyemerera aha rubaju; nikwo MUKAMA ow'amahe arikugira. Teera omuriisa, entaama zitaataane: kandi abaana baazo (ndyabateeranira hamwe) n'omukono gwangye.

55 Hati, Yesu akajuriza Ekyahandiikirwe ekyo. Mwareeba, "Teera Omuriisa, reero otaataanise entaama." Kwonka yetegyereze paraguraafu eyaakurataho. Akakjuriza kakye kakyo. Kwonka mureebe ebigambo ebirikukurataho oku birikugamba, ekicweka kyakyo ekirikukurataho. "Kandi abaana baazo ndyabateeranira hamwe n'omukono gwangye." Niki? Ekibiina kya Baabenayamini ekirikurugayo hati. "Abaana baazo ndyabateeranira hamwe n'omukono n'omukono gwangye."

"Teera Omuriisa." Israeli, kubanza, Israeli ekateera Omuriisa, entaama zaataataanira omu nsi yoona. Kwonka Ruhanga akagira ati, "Ndyagarura omukono gwangye enyima, nyiheyo abato aha kiro ky'aha muheru." Ryari? Obu okurihiirira eby'okutahikiirira kuriba kwabaireho.

56 Israeli eryajunwa, buri omwe omuribo. Reka tubikuure omu kitabo kya Isaaya. Isaaya, eshuura ya 66 y'ekitabo kya Isaaya, kandi tushome abahw'akaanya kakye. Reero tureebe eki Ruhanga arikugamba ahari Israeli oku erijunwa, omwanya ogu kiritwara kujuna Israeli. Reeba okurahuka oku kiraije kwija. Omu kitabo kya Isaaya, eshuura ya 66 n'o-mushororongo gwa 8. Ku muraabe nimwenda kuhashoma hoona, ni kirungi.

(Oraahuriire) ekintu nk'ekyo n'oha? Nari shi, ebyo biraareebirwe oha? Ensi ekabaasa . . . kuzaarwa . . . omu izooba rimwe? . . . hakuba Saayuuni ku yaarumirwe ati, ahonaaho yaazaara abaana be b'aboojo.

Jubajuba Saayuuni ku yaareebire ngu ogwo ni Mesia waabo, akazaarwa obwa kabiri, omu kiro kimwe. "Kurihiirira eby'okushiisha n'okurihiirira okutahikiirira, okutashemera." Oo, mugyenzi! Bakakora ekyo ekyabaire kiri ekibi, ekyo ekyabaire kigwire. Okurihiirira kukakorwa ahabw'ebi'okutahikiirira byabo.

57 Enamba ya kana. "Okureeta okuhikiirira okutarihwaho." Ekyo nikyo kintu kya kana Ekyamureetsire. Ekyo kana, eki Yaizire kukora, "Ku-kureeta okuhikiirira okutarihwaho." "Ebibi biihweho; okurihiirira; kandi n'okureeta okuhikiirira okutarihwano." Ebicumuro bya Israeli ku byahikire aha muheru . . . Ebicumuro bya Israeli . . .

Hati twaza ku . . . Niinyenda ngu mwetegyereze eki, ahabw'okuba ku turaareete ogwo mukazi, kandi n'ekijoka ekyanagirwe aheeru, nimuza kugarukira kimwe aha Kyahandiikirwe eki nikyo kimwe omurundi ogundi. Muteebwa kukihandiika. Ebicumuro bya Israeli ku birihwa, Sitaane, omuregi waabo kandi omuregi waitu, Sitaane naija kukomerwa omu kiina ekitaine bugarukiro. Ni ryari? Omu kureetaho okuhikiirira okutarihwaho, ekintu ekitarikubaasa kuhwaho, byona ebyareetsireho okutahikiirira biryaihwaho.

58 Ka tukwate Okushuururwa eshuura ya 20 n'omushororongo gwa 13, ahabw'edakiika, kandi ka tushome hanu ahabw'edakiika. Okushuururwa 20, na 13 . . . Ngaaha, nimbashaba kunsaasira. Okushuururwa . . . 1 kuhisya 3, nikyo. Tindeebire akatoonyezi ako kakye ahagati yaakyo. Etuutu yangye hanu yaahika omu maisho gangye. Okushuururwa eshuura ya 20, kandi ka tureebe.

Bwanyima naareeba maraika ondijjo naashuma, naaruga omu iguru aine omu ngaro ekishumuruzo ky'ekiina ekitaine bugarukiro n'orujegyegyere ruhango.

. . . yaakwata ekya kijoka ekya ira, (egyo njoka eya ira) niwe Muregi kandi Sitaane, yaamuboha okumara emyaka rukumi,

Yaamunaga omu kiina ekitaine bugarukiro, yaakinga, yaataho akamanyiso, ngu arekye kurugamu kubeihabeiba amahanga obundi, okuhitsya obu emyaka rukumi erihwera. Bwanyima y'egyo . . . ashemereire kubohororwa okumara omwanya mukye.

Kukora okutahwaho . . . "Kureeta okuhikiirira okutarihwaho," Sitaane ari omu kiina ekitaine bugarukiro. Kandi ku arikukora ekya, reero abohe Sitaane owaabeihabeihire abantu.

59 Hati ka tugarukye tubiikuure omuri Habakuuki, eshuura ya 2. Habakuuki, eshuura ya 2. Kandi hati twaza kureeba ahabw'enki yaabohire ekijoka eki ekya ira, n'ekyatsumire kyakorwa, kandi n'ekirikubaho juba bwanyima kyaheza kubohwa. Eki ninkikunda, timurikukikunda? [Abateeraine batu, "Amiina." -Omur.] Niki-nikituha okwetegyereza bimwe. Habakuuki, Habakuuki, eshuura ya 2 n'omushororongo gwa 14, niinyikiriza nigwo, niinyenda kushoma. Eki kyaba nikibaho . . . Mwareeba.

Ahabw'okuba ensi eryabugwa Okumanya kw'ekitiinisa kya MUKAMA, nk'oku amaizi gabuga hoona omu nyanja.

Oooo, mugyenzi! [Ow'eishe-emwe Branham yaateera omu ngaro ze -Omur.] Hyu! Omu bigambo ebindi, omuzigu ku ariheza kwihwaho, ekibi kyaherize kuhwaho, okuhikiirira okutarihwaho kwaizire, Sitaane akomeirwe omu kiina ekitaine bugarukiro, kandi okumanya kwa Mukama kuryabuga ensi nk'oku amaizi gabuga hoona omu nyanja. Amiina! Ekitiinisa kibe ahari Ruhanga! Nikija, ow'eishe-emwe, nikija! Abakazi nibaija kuba abakyara, kandi abashaija nibaija kuba abashaija bazima. Amiina!

Obu okumanya kwa Mukama kuribuga ensi n'enyanja empango n'eiguru;

Kandi, oo, omutima gwangye nigutsinda, niguririra ekiro ekya ky'okurekurwa okurungi,

Yesu waitu ku arigaruka omu nsi omurundi ogundi.

Amiina! Ni kirungi. Hati, Okutegyeka kwa Kristo kw'emyaka rukumi kwatandikire. Obwo nibwo Okutegyeka kwa Kristo kw'emyaka rukumi, obu Orurembo rurajie kwombekwa. Ekyo kana . . . Nyine Ebyahandiikirwe ebindi nka mukaaga, kwonka nitwija kurahutsya. Hati, ku turaagarukye, niinyija kukwata Ebyahandiikirwe ebi ebindi, kwonka mutungye ekigyendererwa kyonka.

60 Enamba ya kataano. "Ebyorekirwe n'ebyahanwirwe baanabi biteebweho akamanyiso." Mwareeba, Maraika ogwo naija kuta akamanyiso aha byayorekirwe n'ebyahanwirwe.

Ni-niinyanga kugamba eki. Kwonka, omuhandiiki ruranganwa ou mbaire ninshomaho ekiro kiri, ka yaakizambaarize! Akagamba eki kyabaire kiri. Hati, kworeka oku obushema . . .

Oo, munsaasire. Tindikumanyisa kugamba ekya. Munsaasire. Tindikumanyisa ekya. Buzima tinaakimanyisa. Ngaaha.

O-o-omushaija otashukirweho majuta, mwareeba, omushaija ogwo akagira ati, "Nimureeba hanu ku okworekwa n'obunabi obutoosha bikaba biikirizibwa omu kanisa y'Abayudaaya." Kandi yaagira ati, "Okuruga omu bwire bwa Danieli n'okwetyongyerayo, obu Danieli yaija, kikamanyisa ngu tibarikwija kugira kworekwa bundi nari kugira obunabi bundi." Yaagira ati, "Ebantu ebi byona ebiro ebi ebi barikugambaho, eby'okugira okworekwa n'obunabi, byona bikaba biri ebantu bya Sitaane, ngu hakaba hatariho ebantu nk'ebyo nk'okworekwa n'obunabi."

Ow'eishe-emwe, hakabaho baanabi baangi ahanyima ya Danieli. Kandi habaka hariho Yohaana Omubatizi. Hakaba hariho Yesu Kristo. Hakaba hariho baanabi okuraba omu Ndagaano Ensy. Hakaba hariho okworekwa kwingi. Hakaba hariho Baamaraike.

Omuntu naabaasa ata kugamba ekya? Kwonka, nimureeba, n'ekigyendererwa ky'okwekunda, kugyezaho ekintu kukisindikira abantu, kugyezaho kukikora enyegyesa nkye y'ekanisa, nari ekintu kikye kirungi, kuba ek'yamazima aha bantu. Kandi abantu baaba bataine Omwoyo Orikwera, nibaija kubeihwabeihwa nakyo.

61 Hati, ka turekye kutwara eki omuntu yaagambre. Hati, tihariho Kyahandiikirwe ky'okuhamya ekya. N'ahabw'ekya nkaabaasize nta kutwara ekya? Ni kirungi, buzima ka tumanye okuteebwaho akamanyiso eki kiri. Mwareeba! Akaija kukora ekya, okutaho akamanyiso aha kworekwa n'aha byahanwirwe baanabi.

Hati, ka tugarukye tubiikuure omu Kitabo kya Danieli, ei tubaire turi. Okwo omu Kitabo kya Danieli, nituza kumanya eki Kyagambire. Hati ka tubiikuure omu kitabo kya Danieli eshuura ya 12. Hati, twaba nituhika aha kitabo kya Danieli 12, hati, nitubaasa kutandika. Kandi tushome kuruga . . . Ku muraahikye omu ka, niinyenda ngu mushome kuruga aha mushororongo gw'okubanza n'okwetyongyerayo. Ka tushome kuruga aha mushororonga gwa 1, kushuma kuhika aha gwa 4.

Omukuru rugambwa oreeberera abantu baawe, aryaimuka: . . .

Hati, eki n'eky'obwire bw'aha muheru.

. . . habeho obunaku bw'obusaasi obutakabahoga, okwiha obu . . . eihanga ryabaho . . .

Obwo nibwo antikristo, otembire embaraasi w'Akamanyiso aka k'Okubanza arikugyenda, obu kirikubaho.

. . . okuhitsya obwo: . . .

Atari omu bwire obu Tito yaakwata orugo rwa Yerusaalemu. Ekyo kikaba omu mwanya gumwe gwonka. Mwareeba obu antikristo ogu, omutegyeki ogwo owaabaire ari ow'okwija, mureebe ku ariija.

. . . kwonka omuri obwo bunaku abantu baawe baryajunwa, weena ou iziina rye ririshangwa rihandiikirwe omu kitabo.

Haleluya! "Abantu baawe," Israeli, "eryahandiikwa omu kitabo."

Kandi baangi omuri abo, abariba bagwejegyeire omu mucuucu gw'ensi, baryasisiimuka, abamwe basisiimukire amagara agatahwaho, abandi basisiimukire okuhemuka n'okugaywa okutarihwaho.

62 Ekyo kikaabaasize kita kuba kyabaire kiri obu Tito yaakwata orugo rwa Yerusaalemu? Kikaabasikire kita kuba kityo? Tikyakubaasikire kuba kityo. Mwareeba, naagamba ahaby'obwire bw'aha muheru, aha kuzooka. Ekyo kihikire? Hati:

Kandi abaine obwengye baryayaka nk'omushana ogurikwakira omu mwanya, n'abarikuhindura . . . abarikuhindura baangi, bakabareeta omu kuhikiirira . . . nk'enyonyyoozi okuhitsya ryari na . . .

Muhurikize! Nkiki hanu, okuteebwaho akamanyiso, kw'amazima.

Kwonka iwe Danieli, shweka ahari ebyo bigambo, ekitabo okiteerane n'akamanyiso, okuhitsya aha bunaku bw'aha mperu . . .

63 Niki? Oo, haleluya! Nimukireeba, kibiina 'mwe? Okushuururwa kwa Yesu Kristo oku, kandi n'okw'Amaani Ge, Okwija Kwe, okw'obwire bw'aha muheru, bikateebwaho akamanyiso okuhitsya obwire obu. Ekyo nikyo Yaizire kukora. Bisherekirwe abeegire; tiky'okutangaaza, nibenda kukikozesa ahari, "okukitaho akamanyiso," enyima okwo, ahari "tihariho baanabi," kandi na buri kintu enyima okwo. Tikiraije kugira makuru. Kwonka okworekwa, okworekwa oku, kuteibweho akamanyiso okuhitsya hati hati. Kandi aho niho ntaire okwikiriza kwangye, ngu Ruhanga naija kushuuura ezo saabiiti makumi mushanju. Amiina! "Koma n'akamanyiso," Akagira ati, "okuhitsya obwire bw'aha muheru. Ebigambo bishwekye kandi Ekitabo okiteho akamanyiso okuhitsya obwire bw'aha muheru."

64 Akakora ki? Ebyayorekirwe n'ebayahanwirwe baanabi biteebweho akamanyiso! Danieli akaba yaahanwire aha bintu ebi. Akaba yaabireebire omu kworekwa, kandi Maraika akashuumma kuta akamanyiso aha kworekwa oku, n'okuta akamanyiso aha byahanwirwe baanabi. Nibabaasa kubishoma, kwonka tibarikubaasa kubyetegyereza, okuhitsya obwire bw'aha muheru. Obwire bw'aha muheru, obwire bw'aha muheru niki? Omuheru gwa saabiiti ya makumi mushanju, obu omutegyeki ogwo, antikristo, arishuururwa, omu bwire obu, naayehindura Ruhanga. Nitumanya tutu ngu eki kikomirwe n'akamanyiso okuhitsya omu bwire obwo? Danieli akaheza; egi niyo shuura y'aha muheru ya Danieli.

65 Ow'eishe-emwekazi Simpson angambiire eihangwe eri, agizire ati, "Ow'eishe-emwe Branham, nshomire Ekitabo kyona kya Danieli. Ku mperize, ku naaherize, ti-tindeetegyereize nangwa na busha okukira obu naatandika." Nkiki hanu, Ow'eishe-emwekazi Simpson, ku oraabe ori hanu ekiro eki. Niinyikiriza nimureeba ashutami hariya. Tinyine eki ngambire omu kyana kya rukuruurana. Mpunamire, ahakuba nteekateekire ngu obundi niinyija kukihikaho.

Kwonka, okworekwa oku Danieli yaareebire, eifo okwo aha rubaju rw'omugyera, kukateebwaho akamanyiso, "okuhitsya omu bunaku bw'aha muheru." Ni . . . Ka ngumiizemu kandi nkishome hanu. Mwareeba?

Kwonka iwe Danieli, shweka ahari ebyo bigambo, ekitabo okiteerane n'akamanyiso, okuhitsya aha bunaku bw'aha mperu. Baangi baryairuka nibakora oku n'oku, n'okumanya kuryayeyongyera.

Bwanyima nyowe Danieli, ku naayetegyereize, naareeba . . . abandi babiri . . . omwe aha nkungu . . . y'omugyera seenu, n'ondi aha nkungu y'omugyera seeri.

Omwe yaabuuza ori owaabaire ajwaire omwenda gwa-gwa kitaani, ari ahaiguru y'amaizi g'omugyera, ati: eby'okutangangaaza ebyo biryamara mwanya ki bitakabaireho?

Hati muhurikize.

Ogwo mushaija, owaabaire ajwaire omwenda gwa kitaani ari ahaiguru y'amaizi, yaimutsya omukono gwe gwa buryo n'ogwa bumosho, naagyoreka ahaiguru; naahurira naarahira Ogwo otuura ahuriire ebiro byona, ngu

biryamara obunaku n'obunaku bubiri n'ekicweka ky'obunaku; . . .

Hati, tukwate-kurungi munonga, "Obunaku, n'obunaku, n'ekicweka ky'obunaku." Hati mwetegyereze ku turaahikye omu saabiiti makumi mushanju za Danieli, oku ekkyo kiraarugyemu. Obwo nibwo enaama eraije kushuururuwa. Ni kirungi. "Obunaku, n'obunaku, n'ekicweka ky'obunaku."

. . . kandi ngu, ku ariheza . . . ("ari," ni entsigwa rwetwara, antikristo) . . . ku arihe- . . . ariheza-ariheza kusheenyagura amaani g'eihanga erirkwera, (obwo n'obu ariheenda endagaano ye rwagati ya saabiiti), ebyo byona biryahikiirira. (Amiina.)

Naabihurira, kwonka tinaabyetegyereza; nikwo kubuuza nti: Mukama . . . wangye, ekirihereeruka omuri ebyo nikiiha?

Yaagira ati: Yegyendere, Danieli, ahabw'okuba ebigrando bishwekirwe, kandi byahamibwa n'akamanyiso, okuhitsya aha bunaku bwaha . . .

[Ow'eishe-emwe Branham yaahunamaho kakye. Abateeraine bagira bat, "Aha muheru!" -Omur.] Oo, ekkyo mutakyebwa!

. . . okuhitsya aha bunaku bw'aha mperu.

Baingi baryayeshemeza, beeyeze, barabibwe omu iziiko; kwonka ababi baryagumizamu nibakora ebibi; kandi tihariho n'omwe omuri abo babi oribyetegyereza, kwonka abaine obwengyere bo baryabyetegyereza.

66 Obutumwa bw'obwire bw'aha muheru buryakishuuruwa; obusingye bw'ekanisa y'aha muheru. Ekitiinisa! Hyu! Nkikyo! Oo, mugyensi! Nikintetemesa, okukiteekateekaho, enaama egyo! Ebantu ebi ekanisa y'ensi erikwehuzya, kandi ekagira eti, "obushema." Enaama y'Ou Yesu Kristo yaabaire ari; atari Omuperesona wa kashatu, atari Omuperesona wa kabiri, atari Omuperesona wa kashatu, kureka Obuperesona bwa Ruhanga. Enaama ezindi ezi zonna za Ruhanga nizija kushuururuwa, ahabw'okuba zihandiikirwe hanu omu Kitabo eki, kandi zishuuruurirwe ab'obusingye bw'aha muheru. Tibakibaasa kuzireeba bundi omuri zaaseminaro, n'omu mashomero, kandi n'ebigombe by'amadiini, nk'oku Abayudaaya baabaire batarikubaasa kwetegyereza Yesu nka Mesia. Tiky'okutangaaza nibagyezaho kuteekateeka ngu ogwire eiraro. Tiky'okutangaaza nibateekateeka ngu ori omushema. Tiky'okutangaaza tibarikubaasa kumanya ahabw'enki otarikugamba nk'enkoko nabo. Ahabw'okuba, hariho Amaani n'okworekwa enyima yaakyo, Ekigambo kya Ruhanga ekishuurwirwe, okuta ekanisa omu buteeka ahabw'Okutwarwa kandi n'okuza Omu ka. Eego. "Baingi baryairuka nibakora oku n'oku, n'okumanya kuryayeyongyera." Buzima.

67 Hati, ni kintu ki ekindi ekyabaire kishemereire kumanya? Mureebe ebiro ebi, amakanisa. Nkiki hanu. Nyine amatsiko ngu tikiraashaashe, kwonka nshemereire kukigamba. Kukora . . .

Omuro biro ebyo haryabaho antikristo oryaimuka.

Hati, mwijukye, ku turaahikye omu Bumanyiso, antikristo ogwo naatomba embaraasi ahaiguru y'obwo Bumanyiso. Danieli akakigambaho aha, "Omutegyeki oriija." Aryaihwaho, Yesu akaba naija kwihiwaho, okurihiirira abantu. Kwonka, "Omutegyeki ogwo oraije kwimukaho, oritaho ekirikuzira ekirikuwerekyereza," egyo ekaba eri Rooma, okurabira omuri Tito. Kandi obwire obu, n'omutegyeki orikuruga omuri Rooma, orikikora. Kandi aryashuuruurwa omu biro by'aha muheru, hati muhurikize, "naayehindura Ruhanga," nk'oku Omwoyo Orikwera arikuturabura omu kitabo ky'Abatesalonika kya Kabiri, ogwa 2.

Reka tukizemu, Ekitabo ky'Abatesalonika kya Kabiri, kandi obwo timurikwija kugira ekigambo kyangye kureka Ekigambo kya Ruhanga. Ekitabo ky'Abatesalonika kya Kabiri, eshuura ya 2 n'omushororongo gwa 12. Reka tureebe. Ekitabo ky'Abatesalonika kya Kabiri, eshuura ya 2 n'omushororongo gwa 12. Reka tutandikire ahaiguru y'ekyo, omushororongo gwa 7.

Ahakuba enaama y'obugomi na mbwenu etandikire kukora: . . . (Ogu ni Paulo orikugamba, arikukoresibwa Omwoyo Orikwera.) . . . kwonka-kwonka Ogwo orikuzibira hati naija kugumizamu okuhitsya obu ariihwaho.

"Ogwo" n'oha hanu? Hariho orikumanya? Omwoyo Orikwera, "Ogwo orikuzibira."

Obwo, (ryari) omugomi ogwo aryashuuruurwa, . . .

Ryari? Omuro biro obu Omwoyo Orikwera arikuba naihwamu, Naayeteekateeka kugyenda hati hati. Ahabw'eki naagyenda? Kutwara Ekanisa kugyenda Nawe. "Kishuurwirwe!" Paulo naagamba naakoresibwa Omwoyo Orikwera.

. . . kandi Mukama waitu aryamwitsa orwoya rw'omukanwa ke, amuhwerekyereze n'okumurinkana kw'ekitiniisa ky'okwija kwe. (omugomi ogwo, hatihiro kubangaanisa)

Omugomi ogwo oriija ahabw'amaani ga Sitaane, aryaija n'obushoboorozi bwona, n'obumanyiso n'eb'yokutangaanza by'ebishuba,

"Niitwe ekanisa erikukirayo obukuru. Twine eki. Twine eki. Mwena muhamire hamwe, mwareeba. Niitwe abarikukirayo obukuru." Eby'okutangaaza by'ebishuba!

N'obugobya bwona . . . obubi obw'okuhabya ob'okuhwerekyerera; ahaw'okuba bakanga kukunda amazima ngu bajunwe.

Nikyo Ruhanga arikuboherereza ekirikuhabya eky'amaani kubaikiririsa eby'ebishuba-kubaikiririsa eby'ebishuba:

Ngu boona . . . abataraikiriize mazima, bakashemerererwa okutahikiirira, basingwe orubanja.

Mwakyetegyereza? [Abateeraine baagira bati, "Amiina." -Omur.] Oo, mugyenzi! Hati, Paulo arikugamba. Obwire obu Akamanyiso ka Ruhanga kariyo nikashuururuwa, Omwoyo We, Eiziina Rye, Embabazi Ze, enaama nkuru ezi zonna ezirikugyenda omumaisho hati, zaapurani z'Ekanisa Ye kuza omu Kutwarwa; okwija kw'Omwoyo Orikwera kukozire eki. Ekyo nikyo Akozire omu biro by'aha muheru.

68 Hati, ka tureebe. Twine obwire ahaw'eki eky'aha muheru? [Abateeraine baagira bati, "Amiina." -Omur.] Eya mukaaga, "Ow'ahaiguru munonga ashukweho amajuta." Oo, mugyenzi! Ngugu aha! Ekintu eky'aha muheru eki ashemereire kukora, n'okukora ki? Hati, ka tugarukye okwo omu kitabo kya Danieli, tumanye byona ebi Araije kukora hanu hanu. "Saabiiti makumi mushanju." Ekiraije kuhwa omu bwire obu niki? Ni kirungi

. . . ziteirweho ahaw'abantu baawe n'o . . . orurembo rwawe orurikwera, ngu ebicumuro bihwe (ebicumuro by'abantu), . . . ebibi (by'abantu) biihweho, okutahikiirira kurihiirirwe, (n'okureeta) okuhikiirira okutarihwaho (kw'ab'Abayudaaya), ebyorekirwe n'ebahanwirwe baanabi biteebweho akamanyiso (okuhitsya omu bwire bw'aha muheru), (n'aharikwera munonga hashukweho) amajuta.

Ekyo nikyo kigyendererwa kya mukaaga ky'okwija Kwe.

69 Hati, "Aharikwera munonga hashukweho amajuta." Hati, eki nikibaasa kuba ekigumire eishoboorora ahaw'edakiika, ahariimwe baangi abeegyesa, kwonka hati mukigumeho ahaw'edakiika, mureebe nk'oku kirikurugayo.

Oku nikwo kushukwaho, okutari kw'omuntu. Yesu yaaherize kushukwaho. Ekyo kihikire? [Abateereine bati, "Amiina." -Omur.] Ekitabo ky'Ebyakozirwe kikagira ngu Ruhanga akashuka ahari Yesu Omwoyo Orikwera; akagyendagyenda naakora ebirungi, kandi naatambira abarwaire, kandi n'ebindi. Yesu yaaherize kushukwaho amajuta, Yaaherize kushukwaho. Niwe Mesia. Kandi Mesia nikimmanyisa "Oshukirweho amajuta." Ekyo kihikire? Kwonka hanu omu bwire obw'aha muheru, Naija kushuka amajuta Aharikwera munonga.

"Aharikwera munonga" niki? Omu muringo gwangye gw'okukireebamu, eki ndikwikiriza ngu nimbaasa kukihamya n'Ebyahandiikirwe, n'okushuka amajuta "Aharikwera munonga," niyo eriba Hekalu erikwija kukozesibwa omu Kutegyeka kwa Kristo kw'emyaka rukumi. Hati muhurikize, nimureeba ahaw'enki ndikukitunga. Kishobooroirwe omu kitabo ky'Ezekieli, e-eshuura ya 4, e . . . Ngaaha, nimmanyisa eshuura ya 43, omushororongo gwa 1 n'ogwa 6. Ka tugarukye omu kitabo ky'Ezekieli kandi tumanye oku arikuyvoreka omu Kutegyeka kwa Kristo kw'emyaka rukumi, oku baraije kushuka amajuta e . . . Ezekieli 43, kandi ka tushome kakyeho hanu hati reero tureebe eki Arikwija kukora omu Kutegyeka kwa Kristo kw'emyaka rukumi, okushuka amajuta. Omu kitabo ky'Ezekieli 43, ni kirungi, kandi hati ka tutandikye n'omushororongo gwa 1 n'ogwa 6. Nimubaasa kushoma kyona mwaheza kuhika omu ka, hatariho kubangaanisa, imwe abarikuhandika, Ezekieli 43. "Ahanyima . . ."

70 Hati, mureebe, okushoboorora ahari Hekalu eraije kwombekwa omu Kutegyeka kwa Kristo kw'emyaka rukumi. Hati, omuntu weena, omushomi weena orikumanya, ngu okuruga omu shuura 40 y'ekitabo kya Ezekieli, okuhika nk'aha shuura ya 44, ti kindi kyona kureka Hekalu y'omu Kutegyeka kwa Kristo kw'emyaka rukumi erikuza kwombekwa omu nsi, (omuntu weena naamanya ekyo, mwareeba), obu ekitiinisa kya Mukama kirigijuramu, n'ebindi nk'ebyo nka batyo. Hati nituza . . . nituza kushoboorora Hekalu omu shuura ya 43, n'omushororongo gwa 1 okuhitsya aha gwa 6.

Bwanyima yantwara aha irembo erirkureeba oburugwa-izooba,

Kandi reeba, ekitiinisa kya . . . Ruhanga wa Israeli kyareetwa oburugwa-izooba; okuhoorera kw'okwija kwe kwaba nk'okw'amaizi maingi, kandi ensi yaayakwamu ekitiinisa kye.

Okworekwa oku naareebire kwaba nka kuri oku naareebire, obu yaija kucwekyereza orurembo, kandi nk'okworekwa oku naareebire aha mugyera Kebari; naagwa ahansi njuumaire.

Ekitiinisa kya MUKAMA-ekitiinisa kya MUKAMA ku kyabaire nikitaaha omuri Hekalu, nikireetwa omu irembo ery'oburugwa-izooba.

Omwoyo yankiriza, yantaasya omu kibuga ky'omunda; kandi reeba, ekitiinisa kya MUKAMA kyajura hekalu.

Ogwo mushaija, ku yaabaire akinyemereire aha rubaju, naahurira orikugamba naanye naayema omuri

hekalu;

71 Okushuka amajuta, okushuka amajuta ahari Hekalu ahabw'Okutegyeaka kwa Kristo kw'emyaka rukumi. Hati mwetegyereze omu kitabo ky'Abaleevi. Hati mwetegyereze oku yaashoroirwe omu kitabo ky'Abaleevi. Hati, ku turikugarukayo omu kitabo ky'Abaleevi, nitushanga ngu Musa akashuka amajuta ahari hekalu. Ka tugarukyeyo enyima tukigiriho. Twine obwire bwingi. Reero ka tugarukye omu kitabo ky'Abaleevi kandi tumanye obu Musa yaashuka amajuta ahari hekalu, omu kitabo ky'Abaleevi eshuura ya 8.

Oo, ninkunda kugyeragyeranisa Ebyahandiikirwe ebi n'Ebyahandiikirwe. Timurikukikunda? (Abateeraine bat, "Amiina." -Omur.] Kandi obwo o-oine e-e-ekiteekateeko ky'eki-ky'eki turikusherura kandi n'eki turikukora. Hati, buri omwe omuriimwe naayetegyereza ngu nitukozesa Ekyahandiikirwe buri kaire, ahari kyo.

72 Hati, eshuura ya 8 y'Ekitabo ky'Abaleevi, kandi ntaire akashaze ahaifo aha, aha mushororongo gwa 10. Muhandiiky Ekitabo ky'Abaleevi 8:10. Reka tureebe.

Bwanyima Musa yaihayo amajuta gari ag'okushukaho ahabw'okushoroora, kandi yaashuka amajuta ag'okushukaho ahabw'okushoroora, yaagashuka aha butaaho n'ahari byona ebyabaire birimu, yaabyeza.

(Kandi) . . . yaagamiisiira n'aha itambiro emirundi mushanju, . . . yaagashuka ahari eryo itambiro n'ebintu byaryo byona, n'aha kinaabiro n'ekibunu kyakyo, . . . kubyeba.

Kandi yaagashuka . . . n'aha mutwe gwa Arooni kumweza.

Musa, omu ihamba, arikweza, nari naashuka amajuta ahari eihema ry'okuramizamu, ry'abaana ba Israeli obu baabaire bari omu rugyendo rwabo. Ekashukwaho amajuta.

73 Hati, omu kitabo ky'Obusingye ekya Kabiri, mubiikuureyo, kandi nitwija kureeba okushoroora obu Omwoyo Orikwera yaashutama aha ntebe Ye omu eihema, kandi mureebe ekyabaireho hati. Omu kitabo ky'Obusingye kya Kabiri eshuura ya 5, kandi ka tutandikire aha mushororongo gwa 13. Ekitabo ky'Obusingye kya Kabiri eshuura ya 5, kandi tutandikire aha mushororongo gwa 13.

Kandi gukaba . . . guri omurimo gw'abakondere n'abeeshongozi . . . kuhurirwa nibeeshongora n'eiraka rimwe . . . nibahimbisa MUKAMA kandi nibamusiiima. baimutsya ekyeshongoro nibateera amakondere n'ebitaasa n'ebindi bintu ebirkugamba, nibahimbisa MUKAMA, bat: Ahakuba ni murungi, kandi embabazi ze n'ez'ebiro byona, egyo nju, enju ya MUKAMA yajura ekicu;

Batylo abanyamurwa baayemerera . . . tibaabaasa kwemerera kuheereza ahabw'ekyo kieu; ahabw'okuba ekitiinisa kya MUKAMA kikajura enju ya Ruhanga.

Ruhanga akaija omu mwanya ogurikwera ogwabaire guri ogw'okushukwaho amajuta, kandi Gukamuheebwa ahabw'abantu kwija kuramya. N'ahabw'ekyo, okushukaho amajuta, atari omwanya "gwawe ogurikwera," kureka okushukaho amajuta aha mwanya "Ogurikwera munonga." Kandi nitureeba, ngu, Yerusaalemu Ensyia nigwo "mwanya Ogurikwera" munonga. Kandi okushukaho amajuta nikwija kuba ahari Yerusaalemu Ensyia erikushuumu okuruga omu Iguru ahari Ruhanga, ruteekateekirwe nk'omugore ocumiibwe iba. Baryaba bashukirweho amajuta.

74 Hati, ku Zerubabeeli yaashoroire hekalu ye, bwanyima y'okuhunduurwa, teragarukire kushukwaho amajuta omurundi ogundi, ahakuba ekaba yaaherize kushukwaho amajuta; kandi yaasheenyirwe, kandi ekaba yaagarukire kwombekwa omurundi ogundi. Okucwekyerezibwa okwabaire kwagihikireho. Ekaba yaagarukire kwombekwa omurundi ogundi kandi yaayemereire, n'ahabw'ekyo hakaba hatariho kugishukaho amajuta bundi. Obwo rimwe yaabaire yaashukirweho amajuta, okwo kukuba nikugumirizamu kimwe, kandi nikugumizamu okuhitsya obwire obu bwonyini. Kwonka Ruhanga ku aryombekaho Eihema ry'omu Kutegyeaka kwa Kristo kw'emyaka rukumi, Naija kushuka amajuta Aharikwera munonga; atari ahari "orikwera waawe," kureka "Aharikwera munonga."

Kwonka Omugabe ku Arishutama aha Kitebe Kye ky'Obukama okumara emyaka rukumi, (ekitiinisa!) yaaherize hati. Okushukaho amajuta omwanya ogurikwera munonga nikyo kirikwija kuba ekintu ky'aha muheru kubaho.

75 Ku Eihema riryombekwa; okuzooka kwabaireho; Abayudaaya baagarukire; Kristo n'Omugore We baizire; Abayudaaya, emitwaro ikumi na ina n'enkumi ina bataibweho akamanyiso; Okutegyeaka kwa Kristo kw'emyaka rukumi kwabaireho. Nihaja kubaho okushukaho amajuta obu omwanya Ogurikwera munonga gurishukwaho amajuta; aharikwera, aharikukirayo kuba aharikwera, kandi n'Aharikwera munonga. Obwo, omwanya Ogurikwera munonga n'aharikwera munonga n'omwanya ogurikwera ahi Ruhanga yaabaire atuura, rwagati ya Baakerubi. Kandi, obwire obu, Kristo naija kushutama omu mwanya Ogurikwera munonga, Ashukirweho amajuta. Kandi tibaryetenga eizooba okwo, ahakuba Omwana gw'Entaama rwagati y'Orurembo naija kuba Omushana. Eizooba tiririrenga na kakye omu Rurembo orwo, nka Tatento omugurusi Jim oku yaabaire agamba. Kandi tiririrenga na kakye, ahabw'okuba Kristo naija kuba Omushana ogwo, ogwo Oshukirweho amajuta. Kandi Omugabe aryaija ashutame aha Kitebe Kye ky'Obukama okumara emyaka rukumi, kutegyeaka.

76 Yeremia 3:12-18, ogubariiremu, ka tugushome. Okwo omu kitabo kya Yeremia eshuura ya 18, niinyikiriza. Yee. Ngaaha, eshuura ya 12, munsaasire, eshuura ya 12 y'ekitabo kya Yeremia, kandi tutandikye na-na . . .

Yeremia 3, munsaasire. Yeremia 3, mpandiikire ahansi aha, ahi, obu mbaire ninshoma, Omwoyo Orikwera naanyebembera okuruga omu mwanya okuza omu gundi, ebi mbihandiikire kurungi munonga nk'oku ndikubaasa. Yeremia 3, kandi bwanyima 12 okuhitsya 18, ogubariiremu. Ka tugushome.

Irooko, orangire ebi bigambo aharikureeba aha bukiizi-bwa bumoshoo noogira oti: Oku nikwo MUKAMA arikugamba naagira ati: Garuka, iwe Israeli owaagarukire enyima, ti-ti . . . tindikwija kukureebesa kiniga, ahabw'okuba ndi ow'embabazi; tindiguma na kiniga ebiro byona; nikwo MUKAMA arikugira.

Kwonka oyemere ekibi kyawe, ku waagomeire MUKAMA Ruhanga waawe, okayabatikana n'abanyamahanga ahansi ya buri kiti kibisi . . .

Ekyo nikyo baakozire, okuruga obuturukwa-izooba, oburengyerwa-izooba, buri ihanga. Mwareeba?

. . . kandi otoorobere eiraka, eiraka ryangye; nikwo MUKAMA arikugira.

“Nimugarukye!” Muhurikize eki.

Imwe baana abaagarukire enyima 'mwe, nimugarukye; nikwo MUKAMA arikugira; Ahabw'okuba niinye (b-a-r-o) . . . (niinye baro . . .)

“Amaisho gaabo gakahumibwa, ahabw'okuba nimpa Abanyamahanga omugisha. Kwonka, mugarukye, ahabw'okuba ndi mukama waanyu.”

. . . kandi ndyabatwara ninyiha omwe-omwe omu rurembo, babiri-babiri omu ruganda . . .

Ti boona abarikweyeta Abayudaaya abaritaahamu. Kureka ekibiina ekyo ekitoorainwe nikyo kiritaahamu, Benyamini muto owaizire akashuumma eifo okwo omumaisho, Yosefu, ekibiina ekyo okuruga omuri buri ihanga, omwe okuruga omu rurembo, kandi n'omuri buri ka.

. . . mbahitsye Saayuuni.

Kandi ndyabaha abariisa abarikubashusha omutima, babariise n'obwengye n'okwetegyereza.

Om u biro ebyo ku muriheza kukanya, mwaba baingi omu nsi, tibarigaruka kugamba ahaby'e-ahaby'eshanduukye y'endagaano ya MUKAMA; teriteekateekwaho, terijukwa, kandi ti-tibarigye fuuza n'obu kwakuba okugaruka kugikora.

Om u bunaku obwo Yerusaalemu eryayetwa ekitebe kya MUKAMA eky'obukama, (ahabw'okuba Aryaba ariyo, mwareeba), amahanga goona garyakiteeraniraho (Haleluya), ei MUKAMA ari omuri Yerusaalemu, kandi tibarigaruka kukuratira ebiteekateeko byabo by' obugangaazi bw'emitima yaabo emibi.

77 Obwo nibwo orurembo orwo rurishukwaho amajuta. Obwo nibwo Yerusaalemu Ensyaa erishukwaho amajuta. Kandi amahanga goona g'Orurembo . . . Kuriya omu Kushuururwa eshuura ya 22, hakagamba ngu amarembo tigarikingwa nyekiro, ahakuba okwo tiharibayo nyekiro. Kandi abagabe boona b'ensi baryareeta ekitiinisa n'obufura bwabo omu Rurembo oru. Orugo rwarwo nirwija kuba amabare ga yasipi na sarudio, amabaare g'emiringo ikumi na ibiri; kandi amarembo ikumi na abiri nigaija kuba gari eihunde ryonyini, rimwe ahari buri irembo. Tiharyetengwa tabaaza omunda omwo. Tiharibayo mushana bundi, ahakuba Omwana gw'entaama ori rwagati y'Orurembo aryaba Omushana. Kandi Aryayebembera abantu Be abataasye omu Magara agatahwaho. Nihaija kubayo emitibiri eyemereire, buri gumwe ahari buri rubaju rw'omugyera, eryaba ey'okutambira ihanga. Niwe Ogwo oshukirweho amajuta oryaija, Orurembo Orurikwera orurikushuma okuruga ahari Ruhanga omu Iguru, nirwija omu nsi.

78 Ka tureebe hati ekiribaho omu bunaku obwo. Oo, nimukikunda? [Abateeraine bat, “Amiina.” -Omur.] Ka tubikuure omuri Isaaya 65, rindaho akaanya kakye. Ni kirungi munonga titushemereire kukiguruka. Ni kirungi munonga titushemereire kukireka. Nihabaasa kuba nihootsyamu kakye, kwonka ka tugumizemu.

Ekitabo kya Isaaya 65, murikize ekirikwija kubaho omu bunaku obwo. Kandi yebuuze, musiisi munywani, kuku oraabe noobaasa kufeerwa eki. Isaaya 65, ka tutandikye n'omushororongo gwa 17. Muhurikize, buri muntu, kurungi hati. Obu n'obwire bw'Okutegyeka kwa Kristo kw'emyaka rukumi, obu Aharikwera munonga harishukwaho amajuta.

Reeba, nimpanga eiguru risya n'ensi nsya; ebya ira tibirijukwa, n'obu kwakuba okutebwaho omutima.

Kwonka mushemererwe, munanukye ebiro byona ahabw'eki eki ndikuhanga; ahabw'okuba, reeba, nimpanga Yerusaalemu kuba ey'okunanukiram, n'abantu baayo kuba abarikushemeza.

Okushukwaho amajuta niki? Okushemererwa kwa Mukama.

. . . nimpanga Yerusaalemu kuba ey'okunanukiram, n'abantu baayo kuba abarikushemeza.

(Kandi) ndyashemererwa Yerusaalem . . .

Omugabe ari aha Kitebe ky'Obukama, ari aharikwera ahari ekyo Kitebe ky'Obukama, Ekitebe ky'Obukama Ekitahwaho, n'abantu Abatahwaho baine okushemererwa Okutahwaho bari omu Rurembo Orutahwaho! Oo, mugyenzi!

Ndyashemerererwa Yerusaalemu, nanukye ahabw'abantu bangye. Terihurirwamu iraka ry'okucura, n'obu kwakuba okurira kwabaine enaku.

Tiharigaruka kubayo . . . keereere akarikufa kamazire ebiro bikye, n'obu yaakuba omugurusi otarikuhitsya biro bye; ahakuba omwana aryafa ahikize emyaka igana, kandi omusiisi, orifa ahikize emyaka igana, biri akyeenirwe.

Baryayombeka amaju, bagatuuremu; . . . baryabyara emizaabibu, barye ebijuma byayo.

Tibaryombeka amaju, abandi bakagataahamu; (ekyo ni ngu, noofa reero omwana waawe akuhungurile) . . . kwombeka amaju abandi bakagataahamu; tibaribyara mizaabibu, ekaribwa abandi; ahabw'okuba nk'oku ebiro by'omuti biba, n'eb'yabantu bangye nikwo biriba, kandi abatooreinwe bangye baryamara omwanya muhango nibashemerererwa ebi emikono yaabo ekozire.

Tibarihendekyera busha, n'obu kwakuba okuzaara abaana b'okugwerwa akagwe; ahabw'okuba baryaba oruzaaro rw'abu MUKAMA ahaire omugisha hamwe n'abaijukuru baabo.

Batakaanyetsire, ndyabeetaba; (Okwo kushukwaho amajuta kw'ekitiinisa, omunda enyima ya Baakerubi!) . . . kandi (ndyabagarukamu; kandi baaba nibakigamba ndyabahurira).

Omushega n'omwana gw'entaama biryarya kumwe . . . entare eryarya obunyaatsi nk'ente, kandi omucuuu guryaba eby'okurya by'enjoka. Aha rushozi rwangye orurikwera rwona tibarikoreraho kubi, n'obu kwakuba okucwekyereza, nikwo MUKAMA arikugamba. (Nimubaasa kukifeerwa? Ngaaha!)

79 Tugarukire kimwe enyima hanu omurundi ogundi, kandi Isaaya arikugamba omurundi ogundi, omu shuura ya 11, omushororongo gwa 1 okuhitsya ogwa 9. Muhurikize eki arikugamba hanu omurundi ogundi, ku arikutunga okworekwa, ahanyima y'okureeba abakazi, omuringo ogu barikwija kuba nibatwazamu omu biro by'aha muheru. Ni- . . . Mbwenu, ekitabo kya Isaaya 11, okuhitsya 1.

Omukitsintsi kya Yese haryatookamu akataagi . . . omu mizi ye haryarugamu Eitaagi. (Ogwo akaba ari oha? Kristo.) . . . okuruga omu kitsintsi kye.

Omwoyo wa MUKAMA aryaguma ahariwe, agire omwoyo gw'obwengye n'okwetegyereza, Omwoyo gw'okuhuanura . . . n'obushoboorozi, Omwoyo gw'okumanya . . . n'okutiina MUKAMA.

Omukutiina MUKAMA nimwo arishemerererwa; taricwa rubanja rw'amaisho, n'obu rwakuba orw'okugambirwa,

Kureka aryacwera aboro emanja omu kuhikiirira n'abacureezi b'omu nsi aryabashoboorora omu bwinganisa; kandi ensi aryagiteeza enkoni y'akanwa ke, n'ababi aryaibaitsya omwitsyo gwe.

Okuhikiirira kuryaba orukoba rwe rw'okwezirkisa, n'obwesigwa bube orukoba omu bwezirkiro bwe.

Omushega guryataaha n'omwana gw'entaama, n'engwe eryabyama n'omwana gw'embuzi (egyo n'embuzi), enyana n'entare n'enimi y'ekimasha ekigomokire . . . nari enyana, nari entare n'enimi y'ekimasha ekigomokire biryaguma hamwe, kandi omwana muto niwe aribifunya.

. . . ente ziryariira hamwe n'edubu . . . abaana baazo (kandi) baraare hamwe, kandi entare eryarya obunyaatsi nk'ente

Omwana orikwonka aryazaanira aha mwina gw'encwera, n'omwana w'encuukye aryata omukono gwe aha kiina ky'empiri.

Ebyo byona tibirikora kubi, n'obu kwakuba kwita aha rushozi rwangye rwona orurikwera; ahabw'okuba okumanya . . . kuryabuga ensi yoona, nk'oku amaizi gabuga hoona omu nyanja.

Haamu! Ebyo biryaba omuri Yerusaalemu Ensya. "Ensya egyo." Eitaagi, hanu, neegambwaho nka, Eitaagi rya Daudi. "Niwe byombi Eitaagi kandi n'Obukomooko."

80 Hati, ahanyima y'eki, Omugore naareebeka. Bwanyima ya saabiiti makumi mushanju, Omugore naareebeka omu Kushuuruurwa eshuura ya 19, omushororongo gwa 1 n'ogwa 16. Naija na Kishwera We, Omugabe ow'Amaani. Oo, mugyenzi! Tindikumanya yaaba ndaaze kukibona kyona nari ngaaha. Naakibona n'ahabw'ekyo . . .

Mbwenu, ka tushome ekicweka kimwe ky'eki, omuringo gwona. Hanu niho Omugore ariizira, ahanyima y'eki. Mwareeba? Ahanyima y'Okutegyeka kwa Kristo kw'emyaka rukumi kutandika, obwo Kristo naagaruka n'Omugore, ogwa 1 kuhitsya ogwa 16, n'eshuura ya 19.

Bwanyima y'ebyo . . .

Bwanyima y'okubonabonesibwa; bwanyima y'ekibonaboneso; bwanyima y'Obumanyiso; bwanyima y'ebibonaboneso; bwanyima y'okunagwa ahansi kwa Sitaane; bwanyima y'okutandika kw'Okutegyeka kwa Kristo. Mwareeba!

... bwanyima y'ebyo naahurira e... eiraka rihango nk'ery'omutwe muhango gw'abantu omu iguru, nirigira riti: Haleluya! Okujuna n'ekitiinisa... obushoborozi (n'amaani) n'ebya Ruhanga waitu.

Ahabw'okuba emanja ezi acwa n'ez'amazima kandi n'ez'oburyo; ahakuba akacwera orubanja maraaya omukuru owaasiisire ensi n'obushambani bwe; kandi yaamuhoora enzigu ahabw'eshagama y'abaheereza be.

Baagaruka... baagamba... baagaruka baagamba n'eiraka rihango bati: Haleluya! Kandi omwika gwe gwaguma nigucumbuuka ebiro n'ebiro.

Egyo n'ekanisa maraaya omukuru, "omwika gwayo gwacumbuuka."

Kandi abakuru makumi abiri na bana n'ebihangirwe ebiine amagara ebina baagwa ahansi, baaramya Ruhanga oshutami aha kitebe ky'obukama, nibagira bati: Amiina, Haleluya!

Eiraka ryaruga omuri ekkyo kitebe ky'obukama, nirigira riti: Musiime Ruhanga waitu-musiime Ruhanga waitu, 'imwe abaheereza be abarikumiini, abato n'abakuru.

Bwanyima naahurira eiraka nk'ery'omutwe muhango gw'abantu, ...

Muhurikize! Nkikyo aho, Kanisa. Bwanyima y'Okutwarwa omu shuura ya 3, ngyigi Neegaruka. Mwareeba? Reero omushororongo gwa 6.

Bwanyima naahurira eiraka nk'ery'omutwe muhango gw'abantu eriri nk'eiraka ry'amaizi maingi kandi nk'ery'okuhinda kw'amaani, nirigira riti: Haleluya! Ahakuba Mukama Ruhanga waitu ow'Obushoborozi bwona ari aha ngoma.

Haleluya! Mureebe! Obugyeniyi bw'Omwana gw'Entaama buhikire hati. Ngyigi neija.

Tushemererwe, tunanukye, tumuhe ekitiinisa; ahakuba obugyeniyi bw'omwana gw'entaa buhikire, kandi (Omukazi) we ayeteekateekire. (Ngugu naija, bombi, Omugore na Kishwera.)

Yaikirizibwa kujwara emyenda mirungi eya kitaani erikwengyengyeta kandi erikwera; egyo myenda ya kitaani... nibyo by'okuhikiirira by'abarikwera.

Maraika yangira ati: Handiika oti: Baine omugisha abarikwetwa aha bugyeniyi bwa kyakiro y'Omwana gw'entaa. kandi yangira ati: Buzimazima ebi n'ebigambo... by'amazima ebya Ruhanga.

Ahonaaho naagwa ahansi aha bigyere bye kumuramya, yangira ati: Reka! Otakikora. Ndi omuheereza mugyenzi waawe... n'owa beene sho... bene sho abarikuhamya amazima ga Yesu. Ramya Ruhanga. Ahakuba okuhamya amazima ga (Kristo) Yesu nigwo mwoyo gw'obunabi.

Ku naimukize amaisho, naareeba eiguru rikinguukire... n'embaraasi (erikwera)... (oo mugyenzi!)... ogishutamihi... naayetwa Mwesigwa, kandi Mazima. Niwe... acwa emanja kandi niwe arwana engamba omu kuhikiirira.

Amaisho ge nigashusha nk'endimi z'omuriro; kandi... ajwaire ebirunga bingi aha mutwe...

Akajwekwa kirunga ki? "Omugabe w'abagabe."

... aine eiziina erihandiikirwe, eritarikumanya muntu weena... kureka We wenka.

Ajwaire ekijwaro (ekirkwera) ekimiisiirwe eshagama, kandi eiziina rye ni Kigambo kya Ruhanga.

"Bwa mbere na mbere hakaba hariho Kigambo; kandi Kigambo akaba ari Ruhanga. Kandi Kigambo ogwo yaaba omuntu, kandi yaatuura naitwe," Akaba ari oha? Yesu.

... kandi eiziina rye ni Kigambo kya Ruhanga.

Amahe ag'omu iguru gaamukurata gatembire embaraasi zirikwera, bajwaire emyenda ya kitaani erikwera kandi emirungi munonga. (Ekitiinisa! Ngugwo Omugore naija.)

(Kandi) omu kanwa ke haarugamu rurara y'obwogi... ey'okutemesa amahanga; kandi... aryabategyekyesa enkoni y'ekyoma, abaribatiirire omu inyuukiro ry'obushaarizi bw'ekiniga kya Ruhanga ow'obushoborozi bwona;

Kandi aha kijwaro kye n'aha kibero kye hahandiikirweho eiziina eri, OMUGABE W'ABAGABE, KANDI OMUKAMA W'ABAKAMA.

81 Kikaba kiri ki? Abantu Be bakaba baherize Kumujweka ekirunga ky'Omugabe w'abagabe, kandi Omukama w'abakama. Naagaruka omuri Hekalu Ye erikwera, eshukirweho amajuta g'Okubaho kwa Ruhanga, okutuura

n'okutegyeka okuraba omu Kutegyeka kwa Kristo kw'emyaka rukumi n'Ekanisa Ye. Amiina! Okureebeka, n'Omugabe w'amaani, kuza omu mwanya Gwe aha rubaju Rue, Hekalu ensya eshukirweho amajuta y'omugabe.

Hati ekigyendererwa kya mukaaga ky'Okushuururwa 6:1 okuhika aha Kushuururwa 19:21 ehikiirizibwe.

Hurikiza hati,

82 omu kuhendera. Obumanyiso Mushanju, Enzamba Mushanju, Enyabya Mushanju, Ebibonaboneso Bishatu, omukazi omu izooba, okubingwa kwa Sitaane, nari ekijoka ekirikutukura, nibija rwagati y'obunaku obu obw'okubonabona kwingi. Mutakyebwa. Ebintu ebi byona nibibaho omu bunaku obu.

Kwonka hanu hariho ebipyendererwa mukaaga by'Okwija Kwe. Nimukiikiriza? [Abateeraine bati, "Amiina." - Omur.] Ka n'obwire bw'ekitiinisa kingi obubiikiirwe abo abarikukunda Mukama! Ninkugambira, munywani, ekyo titurikubaasa kukifeerwa. Mutakifeerwa, aha bi murikukora byona. Muhamye!

83 Hati, Sande erikwija, Mukama ku araakikunde, niinyenda kworeka, ku Arampwere, kworeka buzima ahi buri kimwe ahari ebyo biro mushanju, ahi byabereereho, kureeta ekintu eki nikyo-nikyo kimwe eki naakora eriizooba, kandi n'okuta egoy mirundi mushanju omu mwanya gwayo, saabiiti mushanju, saabiiti makumi mushanju omu mwanya gwazo gwonyini gw'aho aharikwera ah'Abayudaaya, kandi buzima nyorekye ahi tutwire hanu aha muheru, Mukama yaakisiima.

84 Nimumukunda? [Abateeraine baagira bati, "Amiina." - Omur.] Mukaabaasa kwikiriza kufeerwe Iguru? ["Ngaaha."] Turi omu bwire bw'aha muheru!

Naija kukora ki? Ekintu eky'okubanza ekiraije kubaho, Yesu atakaizire omu nsi na kakye, ekintu eky'okubanza nikija kuba ki? Ekanisa neija (kukora ki?) kutwarwa! Yesu aryajia omu nsi kandi agyendagyende omu bituuro, kandi akwate omu ngaro taata na maama, agambe naitwe twena hanu, reero aze omu iguru? Ngaaha!

Nikija kuba kita? E . . . Nitubagambira eki, ahabwa-ahabw'Ekigambo kya Mukama, "Ngu itwe abahuriire abariba bakiriho . . ." Abatesalonika ba Kabiri, eshuura ya 5, "Itwe abahuriire abariba bakiriho aha kwija kwa Mukama, tituribandiza abo abagwejegyeire. Ahakuba enzamba ya Ruhanga eryagamba; abaafeereire omuri Kristo nibo baribanza kuzooka: naitwe abahuriire abariba bakiriho turyatwarwa nabo omu bicu kubugana Mukama waitu omu kaabunga." Nitwija kutwarwa omu kaanya kakye, nk'ak'okuhumbya eriisho. Omu bwire obwo, ekyo nikhendera Obusingye bw'Ekanisa.

Obwo, ahansi hanu omu nsi Ruahanga naatandika kukoragana n'Abayudaaya.

85 Nihaija kubaho baanabi babiri. Eshuura ya 11, ekyo nitwiza kukiihayo. Baanabi babiri abashukirweho amajuta, nka Eliya na Musa, abu ndikuteekateeka ngu nibo. Kandi baryareeta emikyeeno mingi, bwanyima baaheza kureeba ngu bahamy, na Rooma yaaherize kuhenda endagaano, omutegyeki ogwo.

Rwagati ya saabiiti makumi mushanju egi, naija kuhenda endagaano na Rooma, nari Rooma neija kuhenda endagaano na Israeli, kandi ekyo nikija kureetera ekirikuzira ekirikureeta okuhwerekyerera kutandika kuhika hoona. Kandi haryabaho omwegyemure gw'amaani, obu abaatsigaireho omu Banyamahanga, abashugaine abagwejegyeire . . . Ekijoka, Rooma, yaacwera amaizi agarikwingana omwegyemure okuruga omu kanwa kayo, kurwanisa oruzaaro rw'omukazi orwatsigaireho orurikworobera ebiragiro bya Ruhanga. Rooma neija kukora ekyo.

86 Okwegaita kw'amakanisa nikwija kubarundaanira hamwe, kandi kureete Abayudaaya aba omu kweteerana oku, kandi kubagarure aha kuranya kwabo kwa hekalu omurundi ogundi, ahari OKU NIKWO MUKAMA ARIKUGIRA okuruga omuri Baiburi, kandi nibaija kugira ekanisa yaabo. [Ow'eishe-emwe Branham yaakongoota aha kituuti emirundi mingi - Omur.]

Bari ki hati? Naakitunga hati. Ni kisia. Hati bari eihanga, erihamibwe. Ekyo kihikire? [Abateereine bati, "Amiina." - Omur.] Kwonka tibakagizire okuramya kwabo kwa hekalu na hati. Kandi ku baritandikaho okuramya kwa hekalu, Ekanisa eryaba yaagyenzire. Ruhanga naija kuba naakoragana n'Abayudaaya nk'eihanga. Kandi obwo ku barabareete omu kweteerana oku, Rooma neija kugihenda rwagati y'omwaka gwa makumi mushanju, emyaka eshatu n'ekicweka, neija kuhenda endagaano egoy n'abo, ereeteho ekirikuzira ekirikuhwerekyereza kubuga hoona kikahika aha mperu. Reero naija kukwata bombi Abapurotesitante, n'Abayudaaya, kandi abahiiganise. Omu bunaku obwo, baanabi aba babiri nibaija kwimuka baakyeene ensi, ngu enjura etagwa omu bunaku bw'okuranga kwabo. Kandi baryayeta omuriro kuruga omu iguru, na buri kintu kyona. Mutegyereze. Twine bingi ebiri hanu, ebitubiikiirwe, kwega. [Ow'eishe-emwe Branham yaateera aha kituuti emirundi eshatu.]

87 Oo, ka ni Ruhanga omukuru! Ka ni Tataitwe ow'embabazi! Banywani, ka ngambe eki, nk'omuriisa waanyu. Timurikumanya emigisha ei mwine. Timurikuyetegyereza. Hariho abashaija baingi ab'amaani, hariho abarikwera baingi, hariho enkumi z'abashaija abarikwera abaafire omu myaka eyaahingwire, abashaija abaijwire Omwoyo Orikwera abaakwenzire kureeba ebi ebi tutwiremu. Iwe naanye ka tukozese omugisha ogu.

Ekindi ni kiiha eki tushemereire kwetegyereza? Nitubaasa kukora ki ahanyima y'eki? Nituza hi? Niki ekirikuza kubaho? Tushemereire kuza ahantu. Timurikubaasa kuguma aha obwire bwona. Noobaasa kushuusha obunyaatsi

bwawe; saabiiti erikukurataho nibwetenga kushuusha omurundi ogundi; yee, kabiri, obwire obwo butakahikire. Noobaasa kukuza abaana baawe. Obagaburiire ekiihuro ky'omwabazyo; obwire bwa kyakiro nibaba baagarukire kugira enjara. Obagaburiire kyakiro; nibaba baagarukire kugira enjara akasheeshe akarikukurataho. Obaguriire omugogo gw'enkaito; ku ziraabe nizishusha nk'ezangye, nk'emyezi ebiri nari eshatu noobagurira ezindi. Obaguriire ebijwaro okwezi oku; okwezi kumwe nari ibiri obaguriire ebijwaro ebisia. Mwareeba? Tihariho ekintu ekirikugumaho. Tihariho kintu ekihamire. Tihariho ekintu ekirikubaasa kutuuraho.

Oteetenga obutungi bw'ensi egi obutarimu kantu,

Oburikurahuka kujunda juba,

Ta amatsiko gaawe aha bintu Ebitahwaho,

Tibirihwaho!

Obwire bwijwire empinduka za jubajuba,

Tihariho ekintu omu nsi ekitarikubaasa kuhwaho,

Ta amatsiko gaawe aha bintu Ebitahwaho,

Ramatira aha mukono gwa Ruhanga ogutahinduka!

Ramatira aha mukono gwa Ruhanga ogutahinduka!

Ramatira aha mukono gwa Ruhanga ogutahinduka!

Ta amatsiko gaawe aha bintu Ebitahwaho,

Ramatira aha mukono gwa Ruhanga ogutahinduka!

Muhurikize!

Orugyendo rwaitu ku rurihwa, (Naija kutumanyisa obu ruraahwe.)

Ku turaabe tutwire turi abeesigwa ahari Ruhanga,

Eka yaitu omu Kitiinisa neija kuba nungi kandi erikumurinkana, (orwo Rurembo orushukirweho amajuta)

Emyoyo yaitu ejewire okushemererwa eryagireeba!

Ramatira aha mukono gwa Ruhanga ogutahinduka!

Ramatira aha mukono gwa Ruhanga ogutahinduka!

Ta amatsiko gaawe aha bintu Ebitahwaho,

Ramatira aha mukono gwa Ruhanga ogutahinduka!

Oteetenga obutungi bw'ensi egi obutarimu kantu,

Oburikurahuka kujunda juba,

Ta amatsiko gaawe aha bintu Ebitahwaho,

Tibirihwaho!

Ramatira aha mukono gwa Ruhanga ogutahinduka!

Ramatira aha mukono gwa Ruhanga ogutahinduka!

Ta amatsiko gaawe aha bintu Ebitahwaho,

Ramatira aha mukono gwa Ruhanga ogutahinduka!

Twaba nitwinika emitwe yaitu. Ku oraabe otakawatahoga Omukono Gwe, toija okakikora hati.

Ramatira aha mukono gwa Ruhanga ogutahinduka!

Ta amatsiko gaawe aha bintu Ebitahwaho,

Ramatira aha mukono gwa Ruhanga ogutahinduka!

88 Muhara muto 'we, ori empangare nto hati. Eishokye ryawe rikye ni rirungi, amatama gaawe makye gaboneire. Kwonka, noomanya, nibuza kuba nyencakare, okuhitsya obu, nibijja kunywengyeberera. Nitukimanya tutu yaaba saabiiti erikwija enyogori zitarikwija kuba nizirya, omu itaka, ago matama marungi, makye,

agarikureebeka gye?

Ow'eishe-emwe muto, oine amaani, ori muhango, enyama ziine amaani; oine ekihika kingi. Kwonka bwanyima y'akaanya kakye, nyencakare, eishokye rirungi eryo, ryezingire nirija kuhwaho, kandi eri oritsigaza nirija kuhinduka enju. Amabega ago mahango, agatereire nigaija kugondama, enyogori nizija kurya emikono n'omubiri. Nibaija kukutwara, bakute omu mucuucu.

N'ahabw'ekyo, ta amatsiko gaawe aha bintu Ebitahwaho,

Tibirihwaho!

Ramatira aha mukono gwa Ruhanga ogutahinduka!

Ramatira aha gwa Ruhanga . . .

Naayenda ngu oirire ahaiguru reero okwate omukono Gwe hati.

Ta amatsiko gaawe aha bintu Ebitahwaho,

Ramatira aha mukono gwa Ruhanga ogutahinduka!

Reero orugyendo oru ku rurihwa, (nikija kubaho, ekiro kimwe)

Ku oraabe waabaire omwesigwa ahari Ruhanga,

Eka yaawe omu Kitiinisa neija kuba nungi kandi erikumurinkana,

Omyoyo gwawe ogwijwire okushemererwa guryagireeba!

Ahabw'enki otarikuhamira aha mukono gwa Ruhanga ogutahinduka!

Ramatira aha mukono gwa Ruhanga ogutahinduka!

Ta amatsiko gaawe aha bintu Ebitahwaho,

Ramatira aha mukono gwa Ruhanga ogutahinduka!

89 Hariho ebintu bingi ebi ndareebire, haihi emyaka makumi ashatu na gumwe enyima ya desika. Ndeebire ebintu ebirkwisa enaku; ndeebire ebintu eby'ekitiinisa. Ekintu eky'enaku eki ndareebire omu magara gangye . . . Nk'oku ndareebire abaana abarikwitwa enjara omu nguuto z'orurembo; ndareebire baanyina b'abaana nibashaba omugaati gumwe. Ekintu eki ndareebire ekirikwisa enaku, n'okureeba omushaija, omuntu, kandi oshemereire kuba omwana wa Ruhanga, arikufa atamanyire Ruhanga.

90 Niinyijuka omukazi ayemereire aha rwigi ekiro kimwe, rw'ekanisa egi, akanshekyerera. Kandi yaagira ati, "Tinkaikiriza ente yangye kuza omu diini erikushusha nk'ei aine!" Eshaaha emwe etakahweire, nkeetwa kuza omu irwariro. Omukazi murungi, oine nk'emyaka makumi abiri n'ebiri y'obukuru, akaba naateera enduuru, "Mwete omubuurizi ogwo aije aha!" Akaba ari ow'enyikiriza, y'Abakatorika.

Ku nainamukireyo, omushahokazi okuzire yaagira ati, "Waija obwire bwahweire, Ow'eishe-emwe Branham. Yaafa nk'edaakika itano ezaahwaho."

Naagira nti, "Nimbaasa kumureeba?"

Yaagira ati, "Yaayamuza naakweta, omu bigambo bye eby'aha muheru, 'Mwete ogwo mubuurizi, Ow'eishe-emwe Branham!'"

Iba akaba ari aho, naateera enduuru, "Mushabire! Mushabire!"

Naagira nti, "Obwire bwahweire hati."

Nkakururaho ekyeshweko. Akaba aine amaisho mahango munonga g'erangi ya kitaka. Omukazi murungi; aine obutonatone aha maisho; eishokye ry'erangi erikutukura; ow'okurigirwa munonga. Akaba ashaashire munonga okuhitsya obu obutonatone bwazimbire aha maisho nk'emyebubuuru. Amaisho ge gatunukire okuruga omu binonko, nka batyo. Kandi, hatariho kubangaanisa, ebyenda bye n'entsigo bikaba byakozire kubi, ekiri omuri-omuri . . .

Buri muntu naakora ekyo yaaba naafa, n'okukira munonga. Akaba ari aho, abyami omu mbeera etyo, akanwa ke kaashami. Kandi ebitsigye bye hanu, bikaba bishwekkire ekicweka kimwe ky'eriisho rye ky'erangi ya burawuni. Tindikyebwa. Ekyeshongoro ekyo kikaija omu biteekateeko byangye.

Oteetenga obutungi bw'ensi egi obutarimu kantu; oburungi, ekitiinisa.

91 Nkeemerera aha rubaju rw'omushaija omwe hanu omuri Port Fulton, arikufa. Bakaanyeta aha rubaju rw'ekitanda kye. Kandi nkashaba nawe hanu aha rutaari ekiro kimwe. Akabumbatira omukazi. Naagira nti, "Ihaho

omukono gwawe aha mukazi ogwo."

Yaagira ati, "Nimureeta ahari Ruhanga."

Naagira nti, "Ti kumubumbatira n'omukono gwawe." Tindikwikiririza omu bintu nk'ebyo. Yangirira ekiniga. Yaateera emitsindo naashohora omu rwigi.

Nkaza kumureeba, ahanyimaho kakye, obu yaabaire naafa. Akandeeba aha maisho, yaagira ati, "Otanshabira, Ow'eishe-emwe Bill. Mbuzire. Naagyenzire." Yaagira ati, "Byona ebi ndatungire, bigyenzire."

92 Nkeemerera aheeru hanu aha nshonda, hareho kakye okuruga hanu, ekiro kimwe, ow'omushaija owaanyetsire okwija aha rubaju rw'ekitanda kye obu yaabaire naafa. Akagira ati, "Nkaba nyenda ekintu nanka na nanka, kandi na nanka." Yaagira ati, "Kwonka tinkaheerezahoga Mukama. Emirundi mingi nkeezibira kuza ahari rutaari." Yaagira ati, "Ow'eishe-emwe Branham, shaba Ruhanga abaasiise muhara wangye antonganirire ababw'ebintu ebi naakozire. Obundi akabaasa kukorera Mukama ekintu."

Naagira nti, "Ekyo tikirkubaasika kukorwa, ow'eishe-emwe. Ebintu ebi waakubaire waakozire waabifeerwa." Haamu!

93 Nkeemerera aha rubaju rw'omushaija, naamureeba naarwana na baadaimoni kumara eshaaha makumi abiri na ina. Yaagira ngu baadaimoni bakaba beemereire aha rubaju rw'ekitanda kye baine enjegyere zeetooroore ebitsya byabo. Yaagira ati, "Mutabaikiriza ngu bankwate!" naateera enduuru; baamukwatira omu kitanda. Yaagira ati, "Ngugwo ahi ayemereire. Timurikubaasa kukireeba? Naija nanshangha." Akaba ayangire Ruhanga, omwanya muraingwa. Akaba aine amabiikiro mahango gaijwire obunyaatsi bw'ente obwomire, gaijwire engano, embaraasi nungi z'emizaano y'okwiruka. Omwaka ebyo bitakabaireho, akakyenna Ruhanga butunu; yaateera omukazi we oruhi ababw'okuza omuri tabirinaakuru. Noomanya ekyabaireho? Enkuba ekateera eibiikiro rye, kandi yaita embaraasi ze, yaayosya obunyaatsi bw'ente ze obwomire. Kandi omushaija yaafeera omu muringo gw'okukwatwa kubi, naarwanisa emizimu ngu emurugyeho.

94 Kandi munywani wangye owa ira (ekitiinisa!) ayemereire seeri, yaahika aha muheru gw'orugyendo rwe. Nkagira nti, "Noogyenda, taata?"

Yaagira ati, "Nikyo eki, Bill."

Naagira nti, "Kiri kita?

Yaagira ati, "Ni kirungi." Yaagira ati, "Mureete abaana bangye hanu aha rubaju rw'ekitanda." Yaata emikono ye ekuzire ehweire amaani ahari buri omwe aha baana be kandi yaabaha omugisha. Yaagambira abaana be babiri, yaabagira ati, "muhanikye emikono yangye ahaiguru, mugimutsye ahaiguru, nk'oku Yoshua na Kaleb baakozire." Nkeebuuza eki yaabaire naaza kugamba.Yaagira ati:

Ekiro ky'okusemererwa, ekiro ky'okusemererwa,

Okwiha obu Yesu yanyozyaho ebibi!

Akanyegyesa okuguma nindeeba kandi ninshaba,

N'okuguma nshemereirwe buri kiro.

Twine ebintu bimwe ebyo eby'okuhikaho, banywani! Tihariho n'omwe otarikwetenga kurya eby'okurya birungi, avugye emotoka nungi, agire ebirungi ebirikukirayo aha biturikubaasa kugira. Tindikumucwera orurbanja. Ekyo ni kirungi. Ruhanga naayenda ngu ebyo obigire.

Kwonka, oteetenga obutungi bw'ensi egi obutarimu kantu,

Oburikurahuka kujunda juba,

Ta amatsiko gaawe aha bintu Ebitahwaho,

Tibirihwaho!

Ka twimutsye emikono yaitu hati twaba nitweshongora.

Ramatira aha mukono gwa Ruhanga ogutahinduka!

Ramatira aha mukono gwa Ruhanga ogutahinda!

Ta amatsiko gaawe aha bintu Ebitahwaho,

Ramatira aha mukono gwa Ruhanga ogutahinduka!

95 Obwo twemereire, ka tuhindukye reero tukwatane omu ngaro n'omuntu ondijjo hati. Twaza kugumizamu, na saaviisi, ababw'akaanya kakye. Kwonka ninyenda ngu muhindukye twaba nitweshongora omushororongo ogundi

gw'ekyeshongoro ekyo.

Ramatira aha mukono gwa Ruhanga ogutahinduka!

Kikore, tata! Kikore, tata! Ahari Ruhanga! Mukikore, eminyeeto! Kikore ow'eishe-emwe! Kikore ow'eishe-emwe!

Ta amasiko gaawe aha bintu Ebitahwaho,

Ramatira aha mukono gwa Ruhanga ogutahinduka!

96 Timumushemerereirwe? Mugambe muti “Amiina!” [Abateeraine baagira bati, “Amiina!” -Omur.] Mwena Abarikumukunda, mugire muti, “Muhimbise Mukama.” [“Muhimbise Mukama!”] Mwena abarikwikiriza ngu nimuza omuri orwo Rurembo rw'enshonda ina, mwimutsye emikono yaanyu. Oo! Rindaho edakiika emwe, n'ekyeshongoro kyanyu.

Mpamize kuza omu Rurembo orwo orurungi, (ekyo nikigumizamu kita hati?)

Oru Mukama ateeekateekyeire Abe;

Ei abacungwirwe b'obusingye bwona

Barikweshongora okwetoorora Ekitebe ky'Obukama Ekirikwera.

Obumwe n'obumwe ngira orushusho rw'okuza omu Iguru,

Kandi ekitiinisa eki ndireebayo.

Ka kuriba okushemererwa,

Obu ndireeba Omucunguzi wangye

Omu Rurembo rurungi orwo orw'ezaabu.

Ekyo timurikukikunda? [Abateeraine baagira bati, “Amiina.” -Omur.]

Mpamize kuza omu Rurembo orwo orurungi,

Oru Mukama ateeekateekyeire Abe;

Ei abacungwirwe b'obusingye bwona

Baryeshongora okwetoorora Ekitebe ky'Obukama Ekirikwera.

Oo, obumwe n'obumwe ngira orushusho rw'okuza omu Iguru,

Kandi okushemererwa oku ndigirayo.

Ka kuriba okushemererwa,

Obu ndireeba Omucunguzi wangye

Omu Rurembo rurungi orwo orw'ezaabu.

Nimumukunda? [Abateeraine baagira bati, “Amiina.” -Omur.]

Reero twara Eiziina rya Yesu,

Mwana w'obujune n'enaku;

Nirija kukuha okushemererwa kandi rikuuumuze,

Ritware hoona hoona ahi oraaze.

Eiziina ry'omuhendo (Eiziina ry'omuhendo), Oo, ka nirirungi! (Oo, ka nirirungi!)

Matsiko g'ensi kandi okushemererwa kw'Eiguru;

Eiziina ry'omuhendo (Eiziina ry'omuhendo), Oo, ka nirirungi!

Matsiko g'ensi kandi kushemererwa kw'Eiguru;

Hati, muteebwa akasheeshe ka Sande erikwija, shaaha ishatu n'ekicweka. Kandi nitwija kugyezaho, Mukama yaakisiima, tuheze omu bwire, kugiraho okushabira abarwaire, Sande erikwija omu kasheeshe shaaha ishatu n'ekicweka.

Nitwinamira Eiziina rya Yesu,

Nitugwa turambiire aha bigyere Bye,

Omugabe w'abagabe omu Iguru nitwija Kumujweka ekirunga,

Orugyendo rwaitu ku rurihwa.

Eiziina ry'omuhendo (Eiziina ry'omuhendo), Oo ka ni rirungi! (Oo ka ni rirungi!)

Matsiko g'ensi n'okushemererwa kw'Eiguru;

Eiziina ry'omuhendo (Eiziina ry'omuhendo), Oo ka ni rirungi!

Matsiko g'ensi n'okushemererwa kw'Eiguru.

Muhuririkize omushororongo ogu:

Noinamira Eiziina rya Yesu,

Nk'engabo okukukingira buri mutego;

Ebigyezo ku biraakwetooroore,

Itsya Eiziina eryo omu kushaba. (Ekyo nikija kukikora!)

Eiziina ry'omuhendo (Eiziina ry'omuhendo),

Oo ka ni rirungi! (Oo ka ni rirungi!)

Matsiko g'ensi n'okushemererwa kw'Eiguru;

Eiziina ry'omuhendo (Eiziina ry'omuhendo), Oo ka ni rirungi!

Matsiko g'ensi n'okushemererwa kw'Eiguru.

Hati ka ngarurire saaviisi omuriisa, Ow'eishe-emwe Neville, kugamba ebigambo by'okuhendera kandi na byona ebi yaakubaasa kugamba.



Obutumwa obu bukabuuirirwa
William Marrion Branham
 "... omu biro by'eiraka ..." Kush 10:7